

IREO VARAVARANA AO

ANATIN'NY VARAVARANA

...eto izao maraina izao. Nieritreritra ny fotoana nahatongavako teto Flagstaff aho ny-ny fotoana voalohany. Izany dia teo, heveriko, amin'ny manodidina ny valo amby telopolo taona teo, efapolo angamba. Niresaka mikasika ny niakarana teny amin'ilay havoana aho. Tsy nisy oram-panala, nefá zara raha tafakatra an'ilay havoana ilay Model-T keliko. Afaka nandeha telopolo maily isan'ora aho, saingy izany dia dimy ambin'ny folo tamin'ity lâlana ity ary dimy ambin'ny folo tamin'ity lâlana ity, fantattrareo, teo amin'ny sasany tamin'ireto lâlana izay nananantsika eto ireto. Ary izany dia tena . . .

² [Hoy ny rahalahy iray teo amin'ny lampihazo hoe, "Nahoana no tsy omenao anay ny tononkalon'ilay Ford?" —Mpand.] Rahalahy Carl! ["Azafady."] Tsia. Miteny amiko mikasika an'ilay tononkalo kely izay nananako indray mandeha izy, mikasika ny Ford-ko. Tsy toerana tsara hanomezana an'izany ity, Rahalahy Carl.

³ Noho izany, tena mankasitraka isika. Ary nanana fijoroana vavolobelona nahafinaritra betsaka aho izao maraina izao, nandre avy tamin'ireo rahalahy, nihaona tamin'ny sasany tamin'ireo rahalahy aho.

⁴ Ary nisy mpitoriteny iray fotsiny izay vao avy niteny teo, rahalahy Espanöla kely iray izay nanome ny . . . ny fotoana hihiran'ilay zazalahy kely. Tsy nahafinaritra ve izany ho an'ny feon'ny enin-taona iray? Oadray, ny feo kely tsara indrindra izay hany reko, ho an'ny zazalahy kely iray tahaka an'izany.

⁵ Ankehitriny, io rahalahy io, adinon'ireo rahalahy izany, saingy izy dia manao favoriana iray eto amin'ny tanànanareo. Heveriko fa any amin'ny fiangonan'Andriamanitra ilay izy, sa Assemblées de Dieu? [Hoy ilay rahalahy hoe, "Assemblées."] Assemblées de Dieu, any amin'ny Assemblées de Dieu. Ary azoko antoka fa hankasitranan'izy ireo ny-ny fanatrehanareo. Hafiriana no haharetan'ilay favoriana, rahalahy? ["Hatramin'ny Alahady."] Hatramin'ny Alahady. ["Alahady hariva."] Hatramin'ny Alahady hariva. ["Hanana tsimandrimandrin-kira iray izahay rahariva."] Tompoko? ["Hanana tsindrimandrin-kira iray izahay rahariva."] Tsindrimandrin-kira rahariva. Ankehitriny dia asaina am-pitiavana ianareo rehetra ho tonga any amin'izany favoriana izany. ["Amin'ny fito sy sasany."] Amin'ny fito sy sasany, rahariva. Ary aiza no misy an'ilay fiangonana, rahalahy? ["113 West Clay."] Hoteneninao aminay

fotsiny ve hoe aiza no misy azy? [“113 West Clay.”] 113 West Clay Street, ato amin’ny tanànan’i Flagstaff eto mihitsy. Ary—ary azoko antoka fa ianareeo dia . . .

⁶ Miaraka aminao ve ilay zazalahy kely? [Hoy ilay rahalahy hoe, “Tsia.”—Mpand.] Tsia, ny dadany no hihira. Mihira ianao, izany ve? Eny, tsara izany, azoko fa izany fotsiny, dia ho an’ny indray mandeha. Eny, tena mahalana no ahitanareo an’izany; fa ilay izy, mazàna, raha misy talenta iray ao amin’ny fianakaviana, izany dia avy amin’ny—avy amin’ny sisa amin’ilay izy, neveriko. Noho izany izy ireo dia manana . . . [“Izany rehetra izany dia nanomboka tamin’ny fifadian-kanina sy vavaka, Rahalahy Branham.”] Fifadian-kanina sy vavaka, ankehitriny izany dia—mahafinaritra marina tokoa izany.

⁷ Ankehitriny, fantatrareo, raha Amerika, ny rehetra miaraka, ny fianakavantsika Amerikana rehetra no tahaka an’izany, eny, dia ho nampirava fotsiny ny tafiky ny polisy rehetra izy ireo. Ho efa nanomboka ny Arivo taona, sa tsy izany? Ho efa tao amin’ny kilasy voalohany isika arak’izany. Marina izany. Ho nanjavona tanteraka ny fahafatesana rehetra, ny aretina rehetra, alahelo, ny fahadisoam-panantenana rehetra, ka ho efa niaraka tamin’i Kristy isika.

⁸ Noho izany, tena faly isika, ary mandre an’ireo fijoroana vavolombelona mahafinaritra rehetra aho! Ary efa nanana tombontsoa aho nihaona tamin-dRahalahy Earl, ho an’ny fotoako voalohany. Ary—ary niresaka tamin’ny vadiny aho ny hariva farany, ary—ary voantso izy ka sitrana, imbetsaka, tao amin’ny favoriana; nilaza, tamin’ilay favoriana farany fa teo amin’ny lampihazo izy.

⁹ Noho izany, manao antsika ho kely iray izany, karazana kivazivazy kely iray. Tsy nahatadidy an-dRahalahy Earl aho, na dia nandray ny tânany aza aho tany ho any. Ary—ary nipetraka teo amin’ny varavarankely aho, omaly hariva, niandry azy ho tonga. Ary lehilahy lehibe iray lava no tonga, nanao volombava mainty. Hoy aho hoe, “Indro fa tonga izy.” Ary avy eo rehefa . . . Billy, ilay zanakolahy, nanao hoe, “Oh, tsia,” hoy izy, “tsy Rahalahy Earl io. Tanora be kokoa noho io lehilahy io izy.” Ary noho izany dia nandeha nihaona tamin-dRanabavy Earl eto aho omaly hariva, ary nanana tombontsoa nankao amin’ny tranon’izy ireo maha-te-ho tia eto amin’ny tanàna.

¹⁰ Toerana iray mahafinaritra ity. Tiako foana ny hiantso azy hoe *flagpole* raha tokony ho Flagstaff, any ambony any anttampon’ilay havoana eto, hitanareo. Ary, teneniko aminareo, raha misy olona eto avy any Texas, mireharehava ianareo ankehitriny. Niala tany Tucson aho, omaly, teo amin’ny roa amby fitopolo na dimy amby fitopolo, tany ho any tany, ary eto aho izao maraina izao manao pardesy iray. Hitanareo, izay ananan’izy

ireo any Texas, dia ananantsika eto Arizona, sa tsy izany? Marina izany. Eto mihitsy isika.

¹¹ Ity fotoan'ny fiombonana ity! Dokotera Bosworth antitra, sakaizako iray, maro aminareo no mety efa nahafantatra an-dRahalahy Bosworth. Anankiray amin'ny lehilahy antitra masina indrindra izy. Ary nilaza tamiko izy indray mandeha, hoy izy hoe, "Rahalahy Branham, fantatralo ve hoe inona ny *fellowship*?"

Hoy aho hoe, "Heveriko fa izany, Rahalahy Bosworth."

¹² Hoy izy, "Izany dia sakaiza roa ao anatin'ny sambo iray, noho izany dia tsy mantsy mizara kely fotsiny izy ireo."

¹³ Koa izany no fiombonana, mandray isika dia mizara, mizara amin'ny hafa; amin-dRahalahy Carl Williams, ny sisa rehetra, Rahalahy Outlaw. Oh, ny iray amin'ireo olona voalohany eto Arizona izay hany nanohana ny iray tamin'ireo favoriako, dia Rahalahy Jimmy Outlaw, ary efa mpirahalahy akaiky izahay hatramin'io fotoana io. Ary tena faly izahay ny aminareo rehetra, ny amin'ireo mpitoriteny sy rahalahy izay ihaonanay eto. Tsy manam-potoana handraisana-tàhana ny olona rehetra aho, araka ny tiako, saingy izao dia fiombonana iray izay iangonantsika miaraka.

¹⁴ Mampahatsiahy ahy fotsiny izany ny—ny amin'ilay favoriana tany Phoenix. Nanana ny tombontsoa aho, hatramin'ny nanombohan'ireo favoriana voalohany, mba—mba hanampy handamina an'ireo favoriana sy niresaka tao amin'izy ireo. Ary izany no rafi-pandaminana tokana izay ikambanako, ary tsy rafi-pandaminana iray izany. Fikambanana iray miasa eo anivon'ny olona fotsiny izany.

¹⁵ Ary raha ny sasany aminareo lehilahy eto izao maraina izao, izay—izay tsy mikambana amin'ity fiombonana ity, an'ity Christian Business Men ity, Full Gospel, dia aoka...raha mino ianareo ka handray ny teniko, dia izany no iray amin'ireo vondron'olona mahafinaritra indrindra. Ary—ary ho an'ireo rahalahy mpitoriteny, dia tsy manohitra ny fiangonanareo izany, ho an'ny fiangonanareo izany. Hitanareo, izany no fomba fametrahan'izy ireo ao amin'ilay—an'ilay fiangonana.

¹⁶ Sendra njery an'ity ramatoa maha-te-ho tia eto ity fotsiny aho izay vao avy nihira an'io hira io fotoana vitsy lasa izay. Efa nandre maro nanandrana an'ilay izy aho, saingy io ramatoa io dia nanana feo iray izay afaka nanao azy tsara, fantatralo, tsy nikiakiaka azy, tahaka an'izany. Tena tiako loatra izany, ramatoa, izany dia tena, tena nahafinaritra. Voalaza fa vadim'ny mpitoriteny iray eto izy. Ary, rahalahy, tokony hangataka azy hihira ianao mba hatorianao isan-kariva, noho izany dia ho tena tsara izany, tena tsara. Hira tena tsara ilay izy. Nankasitrahako izany.

¹⁷ Ary, izao maraina izao, izany dia somary mampahatsiah y ah y ny tantara kely—kely iray. Hoe, izaho—izaho dia tia mihaza sy manjono, ary izany no iray amin’ireo antony maha-eto Arizona ah y, noho izany, dia ny hihaza sy hanjono. Ary tiako izany. Ary noho izany dia nanjono aho indray mandeha tany New Hampshire.

¹⁸ Ary atao ko fa manana mpiombon’antoka betsaka aho eto izay tia manjono, na ny lahy na ny vavy, ihany koa, hitanareo. Tiantsika rehetra izany.

¹⁹ Noho izany dia nanana tranolay kely iray enti-tànana aho izay nentiko tany amin’ny avo tany, saiky teo amin’ny, fantatreo ireo namana, somary mavesatra kely na zavatra iray, dia tsy afaka niakatra tany. Ary nisy tsara betsaka, an’ireo, truite-n-drenirano, sy mavo antitra, square-tail, cutthroat. Oh, feno fotsiny izy ireo, ireo sakeli-drano kely midina avy eny an-tampon’ny tendrombohitra any New Hampshire. Ary truite kely, angamba efatra ambin’ny folo, enina ambin’ny folo inches ny halavany, maro amin’izy ireo mihitsy! Ary izaho fotsiny... nandeha tany aho ary nahazo azy ireo, ho fahafinaretana hahazo azy ireo fotsiny, dia mamotsotra azy ireo. Raha namono anankiray aho, amin’izay fotoana izay aho—nohaniko io anankiray io, hitanareo, nentiko izy.

²⁰ Noho izany dia nanana ny iray amin’io hazo malahelo antitra io nihalehibe aho, ary—ary isaky ny nanipy ny tадim-pitako aho... Nanana Royal Coachman kely iray aho. Nandeha niverina tao aho niaraka tamin’izany, nanipy azy nanodidina ny andiana hazo malahelo iray. Dia nieritreritra aho hoe, “Eny, haka famaky iray aho ka handeha hiakatra any, izao maraina izao, ary—ary hanapaka an’io hazo malahelo io, mba tsy hampiraiketako ny fintako eo amin’izany.” Oh, njery tany aoriana aho teo ambanin’ny trainainy kely iray... tahaka ny tohodranon’ny castor iray, ary nipetraka tao fotsiny izy ireo, niandry an’io Coachman io ho tonga teo amin’izy ireo. Ankehitriny, ny alina manontolo... Nilaza aho fahiny hoe, “nahatratra ny voloko,” saingy tsy manana volo betsaka hidiran’izy ireo aho ankehitriny. Noho izany aho... izaho fotsiny... izy ireo fotsiny hoe ahoana izy ireo—ahoana no nandinihany azy ireo. Ary noho izany dia nandeha niakatra tany aho, tamin’io maraina io, nitondra an’io famaky kely io, ary nanapaka an’io hazo malahelo io. Ary nahazo telo na efatra aho, hamboarina ho sakafo maraina, dia niverina. Ary tsy mpahandro tena tsara iray aho. Ary noho izany dia niteny tamin’ny vadiko aho fa tsy afaka nampangotraka rano nef a tsy mandoro azy, noho izany dia fantatrareo fa ho tena asa ratsy iray ny mahandro.

²¹ Noho izany, teo amin’ny lalako niverina, dia nisy renimbera antitra iray sy zana-bera roa teo, ary niditra tao anatin’ny tranolaiko izy ireo. Ary miresaka ny amin’ny fahapotehanjavatra ianareo, tsy fantatrareo hoe ahoana no ahafahan’ireo

zavatra ho fahapotehan-javatra mandra-pamelanareo bera iray hiditra ao anatin'ny tranolay. Izy, ilay izy dia tsy izay ravan'izy ireo...izay hanin'izy ireo, no tiako lazaina, ilay izy dia izay ravan'izy ireo. Nanana fatana kely iray aho, io fatana kelin'ny mpiandry ondry io tao anatiny tao, ary niakatra teo ambonin'io fatana kely io izy ireo ary nitsambikina ambony sy ambany fotsiny, mandre ny fikorintsan'ilay fantsona, ary nanorotoro azy ho potipotika fotsiny, fantatrareo. Ary rehefa tonga aho, nanana basy kely .22 trainaing arafesina iray aho nipetraka tao anatiny tao, saingy nanana an'io famaky io aho teny an-tànako.

²² Ary, fantatrareo, rehefa tonga aho, dia nandositra nankany amin'ny ilany iray ilay reny, ary nibakobako an'ireo zana-berany izy. Ary nanaraka ny zana-bera iray, eny àry; saingy nipetraka ilay iray hafa, biby kely bitika. Tamin'ny May, fantatrareo, vao avy nivoaka izy ireo. Natodiny taty amiko ny lamosiny nivohitra tanteraka, tahaka an'izao. Dia nieritreritra aho hoe, "Inona no ataony?" Eny, avy eo dia njery ahy izy. Ary nitady hazo iray aho, mba hahita fotsiny hoe ahoana—akaiky toy ny ahoana izy, satria afaka mandrangotra anareo izy ireo, fantatrareo, mikasika an'ireo tanora ireo. Ary, izy ireo, tsy afaka miteny amin'izy ireo mba hivoaka avy ao amin'izany ianareo, hitanareo. Noho izany dia nodinihiko vetivety ilay reny antitra, fantatrareo. Nanohy nibakobako izy, ary nanao tabataba, zavatra tahaka ny vorona iray. Tsy maintsy fantatrareo hoe mitovy amin'ny inona ny fanenon'ny anankiray. Noho izany dia nanohy nibakobako an'io zana-bera io izy, fa tsy te-ho avy io zana-bera io.

²³ Eny, nieritreritra mikasika ny basiko aho. Dia nieritreritra aho hoe, "Tsia, raha hihazakazaka hiditra ao anatiny ao aho ka handramby an'io basy io, raha hitifitra an'io reny antitra io aho, dia hamela kamboty roa ao anatin'ireo ala," ary tsy tiako ny ho meloka amin'izany. Ary, ankoatr'izay, ny fanafihany, ho karazany kely io roa amby roapolio io, fantatrareo. Ary matetika dia tsy mivoaka ilay izy, tsy maintsy manapika azy intelo na in'efatra mba hivoahany. Noho izany dia nieritreritra aho hoe, "Eny, hankao amin'io hazo eo io fotsiny aho, raha manatona eto izy. Hiakatra ao amin'ilay hazo eo io aho, haka tsora-kazo kely iray ho ahy ary hikaravasy azy ireo fotsiny eo amin'ny orona." Tena malefaka ny oron'izy ireo. Ary mikiakiaka fotsiny izy ireo, avy eo dia lasa, fantatrareo, dia avelany hipetraka tsara ianareo. Noho izany dia nieritreritra aho hoe, "Hankao amin'io hazo io aho."

²⁴ Fa ny fahalianan-kahalala mikasika an'io biby kely io, oh, nipetraka tahaka an'izao. Dia nieritreritra aho hoe, "Inona no ataony?" Noho izany dia nanohy nihodinkodina aho, nandinika azy, fantatrareo, nanalavitra kely, ary nanakaiky an'ilay hazo, satria nanohy nibakobako an'io zana-bera io izy. Noho izany dia nanalavitra kely aho, ary fantatrareo ve izay nataon'io biby kely io?

²⁵ Ankehitriny, tia flapjacks aho, na ampemba voaendy, mino aho fa izay no iantsoanareo azy ireo, eto. Any Atsimo, izahay dia miantsa azy ireny hoe flapjacks. Ary tsy tena mahay manamboatra azy ireny loatra aho, saingy azoko antoka fa mahay mihinana azy ireny aho. Ary, fantatrareo, efa Batista iray aho. Tsy tiako ny mamafy; tena tiako marina tokoa ny manao batisa azy ireny, mametraka marina tokoa an'ireo menaka mandry eo amin'izy ireo. Noho izany dia naka boatina menaka mandry iray ho ahy aho, saiky *izao* ny hahavony, nipetraka teo, ary siny kely iray antsasaky ny galona ho an'ireo flapjacks-ko.

²⁶ Ary io biby kely io, fantatrareo, tia mamy ny bera iray, na ahoana na ahoana. Nosokafany io sinin'ny menaka mandry io. Dia nipetraka teo izy niaraka tamin'io tongotra kely io saiky *izao* ny hahaben. Ary nohazoniny teny an-tsandriny ilay izy, ka natsobony tao ambany tao fotsiny ny tongony kely, ary nilelaka tahaka an'*izao*, fantatrareo. Marina izany. Ary nilelaka tamin'io lela kely io izy. Dia nanomboka aho... Ary raha nanana fakan-tsary iray fotsiny aho, dia ho tiako ny nampiseho an'izany izao maraina izao, mba hijerena azy fotsiny. Ary teo izy, nametraka ny tongony kely tao anatin'ny tao, ary nilelaka tahaka an'*izao*. Dia nihorakoraka aho hoe, "Mialà ao," tahaka an'izany. Fa tsy niraharaha ahy mihitsy izy, fa nanohy nilelaka tahaka an'izany fotsiny. Nofoanany tanteraka io siny io, hitanareo.

²⁷ Ary nihorakoraka azy tahaka an'izany aho, nitodika izy ary njery ah y tahaka an'*izao*. Tsy afaka nanokatra ny masonry izy, tena feno menaka mandry loatra izy, fantatrareo. Teo amin'ny masonry rehetra, ny kibo keliny, dia feno menaka mandry arak'izay nety na ha - azy! Ary avy eo, afaka kelikely, dia nivembena teo amin'ny sisin-dàlana izy, nanenjika ny reniny. Nentin'izy ireo tao anaty kirihitra izy ary nanomboka nilelaka azy. Natahotra ny hipetraka teo amin'ilay siny izy ireo, saingy afaka nilelaka azy.

²⁸ Dia hoy aho hoe, "Tsy karazana favoriana pentekotista tsara iray, fahiny ve izao; tena feno karazan-javatra tsara, mamy fotsiny, mivoaka izy ireo, ary misy olona milelaka an'izany. Izany no tena favorian'ny fiombonana iray. Ankehitriny dia tonga tahaka an'izany fotsiny isika, mampiditra ny tànantsika ao amin'ilay siny, ny tsirairay avy amintsika, hatrany amin'ny kiho mihitsy, an'ireo fitahian'Andriamanitra. Ary azoko antoka fa hahita an'izany isika ao amin'ilay fifohazana izay hisy any amin'ny Assemblées de Dieu, izay mandeha any ankehitriny. Ny Tompo hitahy anareo.

²⁹ Nilaza aho tany Phoenix, indray andro, kely iray... Antenaiko fa tsy toy ny manevateva ilay izy, mikasika ny vazivazy kely iray ny amin'ny mpitoriteny izay nandeha teo amin'ny lampihazo isa-maraina, nandrity ny roapolo taona, matanjaka, nitory teny roapolo minitra izy, ary avy eo dia vita, ka noho izany dia tsy nety azon'izy ireo hoe nahoana

ilay izy no izany. Ary noho izany, indray maraina, dia nitory teo amin'ny adiny efatra teo izy. Ary ireo—namerina niantso azy ireo diakona, ka—ka nanao hoe, “Pasitera, tianay marina tokoa ianao.” Hoy izy ireo, “Izahay—heverinay fa mahafinaritra ireo hafatralo.” Dia hoy izy ireo, “Fantatray, amin’ny maha-komitin’ny diakona, nandinika anao izahay ary nanisa ora anao, roapolo minittra marina tokoa isaky ny Alahady maraina.” Dia hoy izy ireo, “Tamin’ity maraina ity dia adiny efatra ilay izy.” Hoy izy ireo, “Tsy mahazo fotsiny izahay.”

³⁰ Hoy izy, “Ho teneniko aminareo, rahalahy.” Hoy izy hoe, “Isaky ny maraina, rehefa manomboka mitory teny aho,” hoy izy, “rehefa miantso ahy hankeo amin’ny lampihazo ianareo, dia maka aho ary mametraka ny iray amin’ireto Life Savers ireto ao ambanin’ny lelako. Ary,” hoy izy, “ao anatin’ny roapolo minittra, rehefa tapitra io Life Savers io,” hoy izy, “izaho—izaho—vita ny amiko,” hoy izy, “fantatro fa izany no fotoana ijanonana.” Dia hoy izy, “Ny fahadisoana tamin’ity maraina ity, dia nametraka bokotra iray aho.”

³¹ Carl Williams, Jewel Rose, tena rahalahy sy namako akaiky, nandeha tany an-tanàn-dehibe izy ireo indray andro, ary nividy bokotra saiky *izao* ny ahagoavany, mba homena ahy, ary, saingy tsy manana azy aho *izao* maraina *izao*. Noho izany, dia mankasitraka isika ny tonga eto.

³² Ankehitriny, misy olona iray ve ato mahafantatra an'i Dokotera Lee Vayle? Tsy mihevitra aho...angamba tsy misy. Mpitory teny Batista iray izy, Dokoteran'ny momba an'Andriamanitra, ary manana ny diplaomany izy. Mpampianatra tao amin'ny sekoly ambony iray izy, eo ampanombohana, ary lehilahy iray tena mahafinaritra, nianatra izy. Ary ireo horonam-peoko an'ny *Ireo Taom-Pianganana Fito*, dia nalefako nankany aminy, mba ho tsaraina ny grameran'izy ireo. Satria, ny Kentucky tranainiko “hit, hain’t, ary tote, sy carry, ary fetch,” tsy tsara ho an’ny olona mamaky an’ireo boky *izany*, noho izany dia izy no hitsara ny grameran’izany ho ahy. Ary noho izany, rehefa vitany, dia naverina vetivety izany, ho an’ny filazana amboniny. Fa, ilay boky dia hatao printy ankehitriny, taorian’ny teo amin’ny telo na efa-taona teo.

³³ Nanontany ahy izy, hoy izy hoe, “Afaka manoratra boky ve aho, ireo fanazavako fotsiny?”

Dia hoy aho hoe, “Eny, mety tsara izany, Rahalahy Lee.” Dia nieritreritra aho...

³⁴ Noho izany dia hoy izy hoe, “Hiteny zavatra aminao aho.” Hoy izy, “Tsy hamidy izany; fa zaraina.”

Hoy aho hoe, “Eny, noho izany, dia azoko antoka fa mety tsara izany.” Hitanareo?

³⁵ Ary noho izany dia nanana fanohanana iray izy ireo, teo amin’ny olona folo teo no nanohana an’izany, izay nandoavan’izy

ireo teo amin'ny dimanjato sy arivo dolara eo, heveriko, raha azoko, ho an'ny iray alina amin'izy ireo. Ary noho izany izahay—manana azy ireo izahay, nivoaka avy tao amin'ny printy izany andro vitsy lasa izay, ary nahazo roa na telo fotsiny izahay, omaly, ary i Billy no nitondra azy ireo. Ary izy ireo—nozaraina izy ireo. Ankehitriny, tsy mbola namaky azy mihitsy aho, tsy fantattro izay nolazainy. Saingy izaho dia... Nohon'ny finoana izany. Fa azoko antoka, raha tianareo ny hahazo anankiray, raha hanoratra aminay fotsiny ianareo, dia ho alefa aminareo izany, maimaim-poana. Hitanareo? Ary izany dia antsoina hoe *Mpaminanin'Ny Taonjato Faharoapolo*.

³⁶ Ary arak'izany dia voamariko tao amin'ilay sary eto, eo anoloan'ilay boky, maro aminareo no manana an'io sary io, mazava ho azy, ary efa nahita Azy, izany dia teo amin'izay nakàna an'ilay Anjelin'ny Tompo tany Houston, Texas. Saingy notapahan'izy ireo ny ampanan'Izany.

³⁷ Avy eo dia hitako ato ivohony. Ary firy eto no mba efa tao tamin'ireo favoriana, aoka ho hitantsika? Ataoko fa saiky ianareo rehetra. Mandre ahy ianareo milaza, matetika hoe, "Mihantona eo ambonin'ny olona iray io aloka io." Ankehitriny, hitanareo, raha manao filazana iray ianareo, ka tsy ny fahamarinana izany, dia tsy hisy idiran'Andriamanitra amin'izany. Fantatrareo fa tsy mikambana amin'ny lainga Andriamanitra, fa manohana an'izay marina fotsiny Izy.

³⁸ Noho izany rehefa niteny tamin'i Mosesy Izy, rehefa nihaona taminy Izy tany an-efitra tany, tao amin'ilay Andry Afo, tany tao anatin'io roimemy nirehitra io. Noho izany rehefa namoaka an'ireo olona ireo Izy, sy ireo izay nety nanaraka an'i Mosesy, ho an'ny dia, tamin'izay fotoana izay dia nidina Izy teo amin'ny Tendrombohitra Sinay, io Andry Afo iray ihany io, ka nanamarina fa izay nolazain'i Mosesy dia ny fahamarinana.

³⁹ Ankehitriny, hanao an'izany Andriamanitra. Manao an'izany foana Izy. Noho izany io Hazavana *eto* io, mazava ho azy, mampikambana an'Izany amin'Andriamanitra isika, satria Izany dia manana an'ilay natiora iray ihany sy ny zavatra rehetra izay Nataony fony Izy tetu an-tany.

⁴⁰ Koa eo amin'izany, nilaza hoe, "Ity olona eto ity, hitako fa voaaloky ny fahafatesana ianao, aloka mainty iray." Firy, maro aminareo no efa nandre an'izany voalaza! Eny, teo tao amin'ny favoriana iray vao haingana mihitsy, nisy olona iray liana te-hahalala, te-hahita raha afaka naka sary an'izany izy ireo, rehefa voalaza Izany. Noho izany izy ireo... Nisy ramatoa iray nipetraka teo akaiky, ary nanana fakan-tsary iray io lehilahy io. Ary hoy aho hoe, "Ity ramatoa mipetraka eto ity, dia Rto. *Ranona-sy-ranona*," na inona ilay izy. Hoy aho hoe, "Voaaloky ny fahafatesana izy, fa tratry ny homamiadana izy." Ary tamin'izay fotoana izay mihitsy dia nalainy ilay sary, satria akaiky ilay

izy. Ary teo ilay izy, hitanareo, io homamiadan'ny fahafatesana miendrika satroka kapoty, mainty io nihantona teo ambonin'ilay vehivavy. Ary avy eo dia niteny indray ny Fanahy Masina . . .

⁴¹ Ankehitriny, rehefa napetrak'izy ireo tao anatin'ilay boky io, dia notapahan'izy ireo ilay izy, noho izany dia napetrak'izy ireo ato fotsiny io mandra-panaon'izy ireo fanontana iray hafa an'ilay boky fotsiny. Ary izany no antony hahitanareo an'io ravin-kazo manidina ao anatiny ao io. Heveriko fa ny *The Voice Of Healing* no anankiray izay nanonta an'ilay boky.

⁴² Ary maimaim-poana tanteraka izany ankehitriny. Ary ireo mpanohana eto ao ivohon'ilay boky, izay nametraka dimanjato sy arivo dolara tao amin'izany, mba hamoaka azy ho an'ny daholobe fotsiny, mba hamela ny daholobe hamaky azy ireo. Noho izany, dia maimaim-poana ilay izy, ary boky kely iray mahafinaritra ilay izy. Ary tsy fantattro izay ao anatiny, tsy mbola namaky azy mihitsy aho; ny Ray no mahafantatra an'izany.

⁴³ Fa hitanareo, Izany dia, ho ahy, Izany no Fahamarinana tanteraka. Izany no tadiavintsika, dia ny Fahamarinana. Hoy Jesosy hoe, "Ho fantatrareo ny Fahamarinana, ny Fahamarinana no hanafaka anareo." Ary Izy izany Fahamarinana izany. Izy no, Jesosy, ilay Zanak'Andriamanitra, no Fahamarinan'ny Teny, satria Izy no Teny tonga nofo. "Tamin'ny voalohany ny Teny, ary ny Teny tao amin'Andriamanitra, ary ny Teny dia Andriamanitra. Ary ny Teny dia tonga nofo ka nonina teo anivontsika." Noho izany, izany no nanao Azy ho ny Fahamarinana, satria ny Teny no Fahamarinana, ary Izy no Fahamarinana.

⁴⁴ Ankehitriny rehefa mahita Azy miverina isika ao amin'ireto andro farany ireto, ity hetsik'Andriamanitra lehibe ity, mihetsika manerana ny firenena rehetra an'izao tontolo izao, manangona vahoaka iray ho ny Ampakarina, dia izany no Fahamarinana.

⁴⁵ Taona maro lasa izay, hoy izy ireo hoe, "Tsy misy izany zavatra hoe miteny amin'ny fiteny tsy fantatra izany. Fahadalana izany." Andriamanitra no nampanantena an'izany, ka Noporofoiny ho ny Fahamarinana izany. Marina izany.

⁴⁶ Nilaza ny olona iray, izao maraina izao, mino aho fa ny anabavintsika hajaina eo ilay izy izay mikarakara betsaka an'ireo zanaka mikasika ny batisan'izy ireo, hoy izy hoe, "Afaka mandre olona iray miteny amin'ny fiteny tsy fantatra ianareo. Saingy, ny mandre olona iray mihira amin'ny fiteny tsy fantatra, hitanareo, izany no tena zavatra iray tsara tarehy."

⁴⁷ Tsaroako ny fahatsapako voalohany tany Rediger Tabernacle tany Fort Wayne aho, Indiana. Ary niresa aho, nanana asam-panasitranana iray, taorian'ny fahafatesan'i—i Rahalahy B. E. Rediger. Ary tany Rahalahy Bosworth, Paul Rader. Ary maro aminareo lehilahy antitra, tahaka ahy, tadidinareo i Paul Rader; ary Batista iray izy, ary izahay dia, noho izany dia

tena mpisakaiza lehibe izahay. Ary noho izany raha mbola niresaka tany, saika hivavaka ho an'ny marary aho. Zavatra iray hafahafa ho azy ireo izany tamin'izany. Fa nitondra zazalahy kely anankiray ny ramatoa iray, izay nandringa, ary, raha tonga teo amin'ny lampihazo izy, dia niseho ny fahitan'ny Tompo ka niteny taminy ny rehetra mikasika ny hoe inona ny olana amin'ilay zazalahy kely. Ary nangataka an'ilay zazavavy aho mba hanolotra—hanolotra ahy an'ilay zazalahy kely.

⁴⁸ Ankehitriny ho an'ny fijoroana vavolombelon'ilay anabavy fotsiny, mba ahafahanareo mahita hoe inona ny fifaliana ary inona ny zava-mahagaga iray tena misy an'ny—an'ny fahasoavan'Andriamanitra, izay azon'Izany atao, rehefa niasa araka ny Tenin'Andriamanitra Izany, hitanareo, ny teny fikasan'Andriamanitra ho an'ilay ora.

⁴⁹ Ankehitriny, ny teny fikasan'Andriamanitra tamin'i Noa dia tsy hety ho antsika amin'izao andro izao. Ny teny fikasan'Andriamanitra tamin'i—tamin'i Mosesy, tsy afaka hahazo ny Hafatr'i Mosesy isika. Mosesy tsy afaka nahazo ny hafatr'i Noa. Manana an'ilay Hafatry ny ora isika. Tsy afaka nanana ny hafatr'i Luther isika. Tsy afaka nanana ny hafatr'i Wesley isika. Fotoana iray hafa izao. Nitsinjara Ny Teniny ho an'ny taona tsirairay Andriamanitra. Ary arakaraky ny ahatongavan'io taona io, no Andefasany olona iray eo mba hanamarina an'io Teny io, mba hanaporofo fa marina izany. Ary mahita isika ao amin'ny tsirairay avy arak'izany, tahaka an'izay nolazain'i Jesosy mihitsy fony Izy teto an-tany, hoy Izy hoe, “Manorina ny fasan'ireo mpaminany ianareo, nefà ny razanareo no nametraka azy ireo tao.”

⁵⁰ Ankehitriny, ny havako dia Katolika, araka ny fantatrareo, satria Irlandais iray. Ankehitriny isika... Ankehitriny izy ireo—miresaka mikasika an'i Masindahy Patrick izy ireo, mitaky azy ireo Katolika. Eny, saiky Katolika betsaka tahaka ahy mihitsy izy. Miresaka mikasika an'i Jeanne d'Arc izy ireo. Nodoran'izy ireo teo amin'ny tsato-kazo io zazavavy io, satria hoe mpamosavivavy iray, fantatsika rehetra izany, satria arapanahy izy ary nahita fahitana. Mazava ho azy, an-jatony taona vitsivitsy taty aoriana, dia nangadian'izy ireo ny vatan'ireo pretra, ary nanao fivalozana, ka nanipy azy ireo tao anatin'ny renirano. Fa tsy izany no ilaina, hitanareo.

⁵¹ Diso an'izany foana izy ireo. Ny olona dia midera an'Andriamanitra mandrakizay ny amin'izay efa Nataony, manantena an'izay Hataony, nefà tsy mahafantatra an'izay Ataony. Ilay natioran'olona fotsiny izany. Ary tsy nanova ny natiораны izy, ny olon'izao tontolo izao.

⁵² Noho izany dia hitantsika fa ny Hafatsika dia, amin'izao andro izao, ny Hafatra izay ananantsika, hoe, “Mivoaha avy ao Babylona, ary aoka ho afaka, ka—ka ho fenoina ny Fanahy, ary

ny fanilonareo ho voadio sy hazava, ka, miandrindrà, akaiky ny fanavotana antsika,” ireo zavatra ireo dia hafahafa amin’ny olona maro izay mamoaka fofon’aina ka miantso ny Anaran’ny Tompontsika maha-te-ho tia.

⁵³ Kanefa eo afovoan’izany rehetra izany, dia tsy manana na inona na inona manohitra an’ireny olona ireny isika, ireny olon’ny anaram-piangonana ireny. Mety tsara izy ireo, mahafinaritra izy ireo. Izy ireo no—izy ireo no mpiara-miassa amintsika amin’ny Filazantsara, satria hoy Jesosy hoe, “Tsy misy olona mahay manatona Ahy raha tsy Ny Raiko no mitarika azy. Ary—ary izay rehetra nomen’ny Ray Ahy, dia izy ireo no hanatona.”

⁵⁴ Noho izany, dia tompon’andraikitra amin’ny famafazana Voa irery ihany isika. Ny sasany nilatsaka teny amin’ny sisindàlana, ny sasany teo amin’ny karazana tany samihafa, ny sasany nilatsaka teo ka namoa avo zato heny. Noho izany, dia mpamafy Voa fotsiny isika. Andriamanitra no Anankiray Izay mitarika Azy rehefa milatsaka Izy. Ary ankehitriny dia mivavaka isika mba angamba, izao maraina izao, hisy Voa kely iray hilatsaka any ho any, izay mety hampahery olona iray. Ary tahaka ny—ny—ny lehilahy iray fotsiny . . .

⁵⁵ Mba hamaranana ny fijoroako vavolombelona mikasika an’ilay vehivavy kely izay saika ho resahako. Nentin’io ramatoa io ity zazakely ity, zazalahy kely iray, heveriko, teo amin’ny folo, roa ambin’ny folo taona, ary angamba mety tsy ho izany taona izany, satria io ramatoa io no nitondra azy. Ary natolony izy. Ary tamin’io fotoana io mihitsy, raha mbola nanolotra vavaka ho an’ilay ankizy aho, dia nitsambikina niala teo amin’ny sandriko ilay ankizy kely ka nandeha nihazakazaka teo amin’ny lampihazo, teo amin’ny olona dimanjato sy telo arivo na efatra arivo teo. Ary rehefa nanao izy ireo, zavatra voalohany izay hany hitan’izy ireo natao, ilay reny, nipetraka teo amin’ny sez a aloha, dia torana fotsiny ary nianjera. Ary zazavavy Amish kely iray . . .

⁵⁶ Mahafantatra tsara ny Amish ve ianareo? Tsy fantattro raha manana azy ireo ianareo eto, volo lava, olona tena malemy fanahy izy ireo, ary karazana tena madio sy mahafinaritra. Fantatrareo, ao amin’ireo Mennonites rehetra, na Amish, sy ny sisa, dia tsy manana firaiketana anankiray isika ny amin’ny ditran-jatovo. Antsoy hoe mahatsikaiky izy ireny raha tianareo, saingy isika—manana zavatra tsy ampy isika any an-tranontsika, izay ananan’izy ireo. Tsy manana firaiketana anankiray izy ireo any amin’ireo fitsarana, ny amin’ny—ny amin’ny fitondrantena ratsy an’ny zatovo tonga eo anivon’izy ireo. Mitaiza ny zanany izy ireo, ao amin’ny lâlana anankiray fotsiny, ary izany no lâlana andehanan’izy ireo.

⁵⁷ Ary mpitendry piano malaza io ramatoa tanora io, vehivavy tanora tsara tarehy, ary volo lava, mavo mena mifatotra ao andamosina. Ary rehefa njery teo izy... Ankehitriny, Amish izy, tsy nahafantatra na inona na inona mikasika ny Pentekosta izy, ary na izaho koa aza. Fa rehefa njery teo amin'ny lampihazo izy, ka nahita an'io zazalahy kely io nandeha, nandeha teo, dia natsangany teny amin'ny rivotra ny tànany.

⁵⁸ Ankehitriny, fantattro fa misy ny fanatisma, ary antenaiko fa tsy mirona amin'izany aho. Izaho—tsy mpandainga iray aho. Ary izaho—tsy izany aho. Raha diso aho, izaho—izaho dia tsy manao fanahy iniana ho diso, diso amin'ny tsy fahafantarana aho.

⁵⁹ Fa natsangan'io zazavavy io teny amin'ny rivotra ny tànany, ary nilatsaka nanerana ny sorony io volo io, ka nanomboka nihira tamin'ny fiteny tsy fantatra iray izy. Ary izy no nitendry an'ilay hira fiderana hoe, "Ilay Mpitsabo Lehibe dia akaiky ankehitriny, ilay Jesosy mangoraka." Ary rehefa nitsambikina avy teo izy... Fantattro fa toa tena hafahafa ity ankehitriny. Fa tsy nahafantatra na inona na inona mikasika ny fitenenana amin'ny fiteny tsy fantatra mihitsy io zazavavy io, nefo nihira tamin'ny fiteny tsy fantatra iray izy hoe, "Ilay Mpitsabo Lehibe dia akaiky ankehitriny, ilay Jesosy mangoraka." Ary nanohy nitendry hatrany io piano io hoe, "Ilay Mpitsabo Lehibe dia akaiky ankehitriny, ilay Jesosy mangoraka." Eny, nameno ny alitara izy ireo, ary nanerana ny ambony rihana, teo amin'ny gorodona, niantsoantso ny olona! Nitsangana teo io zazavavy io, niaraka tamin'ny tarehiny nitraka tahaka an'izao, niteny tamin'ny fiteny hafa; ary, ilay piano, ireo fitendrena ivoara dia mbola nihetsika foana hoe:

Ilay Mpitsabo lehibe dia akaiky ankehitriny,
Ilay Jesosy mangoraka,
Miteny amin'ny fo miondrika Izy mba hifaly,
Tsy misy Anarana hafa afa-tsy Jesosy.

⁶⁰ Oh! Izany dia... "Tsy mbola hitan'ny maso, sy tsy mbola ren'ny sofina, izay notehirizina ho antsika." Fantatrateo ve izay eritreretiko? Nahoana no—nahoana isika no mba hanaiky mpisolo iray na zavatra iray izay mody-finoana fotsiny, nefo ny lanitra dia feno an'ilay tena izy, ilay tena Herin'Andriamanitra, izay afaka manao fanahy iray ho afaka, izay afaka manao zavatra ho antsika? Andriamanitra hitahy anareo. Ankehitriny, misy zavatra tena betsaka.

⁶¹ Tsy niteny taminareo mihitsy aho hoe aiza no hahazoana an'io boky io, hitanareo. Post Office Box 325, any Jeffersonville. Ary raha hanoratra ianareo, nahoana, dia handefa azy ho anareo izy ireo. Na, na koa, tsidiho ny iray amin'ireo favoriana, dia izy ireo no hizara azy ireny.

⁶² Ankehitriny, tena mankasitraka aho ny amin'ity fotoan'ny fiombonana ity. Ary izao maraina izao dia nieritreritra tantara

kely iray aho izay noteneniko tao amin'ny Christian Business Men taloha, mikasika an'i Zakaiosy. Maro aminareo no nandre ahy niteny an'ilay izy, mikasika ny hoe ahoana fa tsy nino an'io famantarana io ity lehilahy kely ity, ary, an'ny Tompo. Mazava ho azy, ataoko fa, tahaka ny ananantsika ao amin'ny taona tsirairay, mahita tena izy iray ianareo, avy eo dia mahita fakan-tahaka iray. Ary tsy maintsy mandefitra amin'izany fotsiny isika. Fa ireo mpisaina tsara, matanjaka ary lehilahy ara-tSoratra dia mahazo, hitanareo. Satria, isika, ary tsy mampaninona . . .

⁶³ Rehefa Rtoa. Aimee Semple McPherson, fony izy teto antany, tao amin'ny asam-panompoany, dia nilaza izy ireo fa saiky ny vehivavy mpitoky teny tsirairay dia nitondra an'ireo elatra ireo, tahaka ny, fantatrareo, na ireo rebareba tahaka an'izany, ary nitondra Baiboly.

⁶⁴ Jereo fotsiny ireo Billy Graham izay misy ato amin'ny firenena amin'izao andro izao. Fa, fantatrareo, tsy afaka maka ny toeranareo mihitsy i Billy Graham. Tsy afaka maka ny toeran'i Billy aho, izy tsy afaka haka ny ahy. Izaho tsy afaka maka ny anareo, ary ianareo tsy afaka maka ny ahy. Isam-batan'olona iray ianareo, ao amin'Andriamanitra. Andriamanitra dia nanao anareo arak'izay maha-izy anareo, ho an'ny tanjona iray. Raha hahita ny toerantsika fotsiny isika, ary avy eo dia hipetraka ao. Raha miezaka manao zavatra hafa isika, amin'izay fotoana izay, hitanareo, isika dia—ao amin'ny tanin'olon-kafa isika, ka mandiso ny sarin'Andriamanitra fotsiny.

⁶⁵ Alaintsika ohatra i Billy Graham ao amin'ilay tontolo aranaram-piangonana amin'izao andro izao, araka ny misy azy, raha hiantso an'izany angamba isika amin'ny mpilalao baolina kitra, hoe izy no manana ny baolina.

⁶⁶ Ankehitriny raha manandrana hanaisotra ny baolina amin'ny olonareo manokana ianareo, dia manakorontana ny ekipanareo fotsiny ianareo. Arovry ny olonareo, hitanareo. Manohiza miaro azy, sakano ny sisa amin'izy ireo mba ahafahany manao an'ilay hazakazaka. Ary hanana an'ilay fikasihana isika afaka kelikely, ary ho avy Jesosy, ka hifarana ilay izy amin'izay fotoana izay. Ny Tompo hitahy anareo.

⁶⁷ Ankehitriny hanomboka hiresaka mikasika an'ity lehilahy ity aho, Zakaiosy. Ary nanana azy aho tao anatin'io hazo io, fantatrareo, niaraka tamin'ny ravina rehetra nosintonina nanodidina azy. Ary avy eo rehefa nidina avy teo amin'ny hazo izy, dia nandeha nody niaraka tamin'i Jesosy. Dia hoy aho hoe, "Lasa mambra iray an'ny favorian'ny Full Gospel Business Men izy." Noho izany raha misy Zakaiosy iray eto, izao maraina izao, dia manantena aho fa handray an'izany toro-hevitra tsara izany ianareo ka ho lasa mambra iray an'ny Full Gospel Business Men.

Hoy ianareo hoe, "Full Gospel?" Eny, tompoko.

⁶⁸ Izany no zavatra tokana ho notorian'i Jesosy, ho ny Filazantsara feno. Marina izany. Tsy marina ve izany? Azo antoka, satria Izy no Filazantsara feno. Marina izany. Tsy afaka mandà ny Tenany Izy.

⁶⁹ Fa ankehitriny dia manana Soratra vitsivitsy aho voasoratra eto, an'ny kely iray, lahateny kely tsotra, tsy haka afatsy minitra vitsy fotsiny aho, raha hiaritra miaraka amiko ianareo. Ary alohan'ny anaovantsika an'izany... Ankehitriny, ao amin'ny fiombonana kelintsika an'ny fiaraha-mivory, ary miresaka mikasika an'ireo tangan'ny bera, ao anatin'ny siny, sy ny sisa, ankehitriny dia ndao avelantsika eny amin'ny ilamy fotsiny izany rehetra izany ankehitriny, ka eritrereto fotsiny hoe mifankahalala isika. Ary, ary te-hiditra ao amin'ny ampahany lalin'ny Teny isika ankehitriny.

⁷⁰ Ndao isika hanondrika ny lohantsika ankehitriny, raha manatona an'Izany isika. Satria, tsy manana zò hanatona ny Teny isika, raha tsy miresaka amin'ilay Mpanoratra, aloha.

⁷¹ Miaraka amin'ny lohantsika miondrika, ny masontsika mikimpy, ary matoky aho fa miondrika miaraka amin'ny lohantsika ny fontsika. Manontany aho, raha manopy ny masoko aho ka mijery ny mpanatrika, raha misy olona iray eto hilaza, eo am-pananganana ny tangan'ny hoe, "Rahalahy, ry mpitoriteny, tsarovy aho ao amin'ny vavaka. Izaho dia—manana ilaina aho androany"? Andriamanitra hitahy anao. Andriamanitra hitahy anao. Ankehitriny dia mahita ny tanganareo Izy. Fantany izay ao ambanin'ny tanganareo, ao am-ponareo. Enga anie Izy hanaiky an'izany, izany no fivavako.

⁷² Andriamanitra malala, satria mankasitraka izahay ny amin'ity tranobe ity izay izahay, Zanakao manetry tena, afaka manangona ny tenanay miaraka eto ambany eto, ary miresaka fotsiny sy manana fiombonana, ho samy izahay fotsiny, raha manolotra ny tenanay ho an'i Kristy izahay, ary maniry ny ho lasa mitovy Aminy betsaka. Mpirahalahy manompo mipetraka mifanakaiky izahay, Tompo, lehilahy izay afaka lavitra ny hitsangana eto hitondra an'ity Teny ity noho izaho, Mpanomponao tsy mendrika, saingy nianjera tamiko ilay anjara. Ary, Ray, mivavaka aho, androany, hoe raha mety milaza zavatra izay tsy ho araka ny sitrapon'Andriamanitra aho, hoe, alohan'ny ilazako azy, dia Hakatonao ny vavako; tahaka ny Nataonao tamin'ireo vavan'ny liona, indray andro, mba tsy hanelingelen'izy ireo an'i Daniela.

⁷³ Ray, mangataka Anao izahay ankehitriny mba hahatsiaro ny isan'isany sy ny tsirairay avy, ny mpitoriteny tsirairay. Ary io fifohazana izay mandeha eto amin'ity tanàna eto ity, Tompo, ao amin'ny Assemblées de Dieu, mivavaka aho, Andriamanitra malala, mba Handefasanao fifohazana iray tahaka an'izany ao ka hohetsehan'ny Herin'Andriamanitra ity tanàna manontolo

ity, ka ho entina eo amin'ny Seza fiandrianan'Andriamanitra ireo trano fisotroana sy ireo ankizy mirenireny eny an-dàlambe, ary ho feno ny Fahatsarany sy Ny Fanahiny. Ekeo izany, Ray any An-danitra.

⁷⁴ Ary mivavaka izahay mba androany, hoe raha misy lehilahy na vehivavy, zazalahy na zazavavy, izay nentina ato amin'ity fivoriana ity izao maraina izao, eto ambanin'ny fialofana amin'ny oram-panala, mba hamangian'ilay Fanahy Masina lehibe ny fon'izy ireo ka hiresaka amin'izy ireo, amin'ny fomba mahagaga iray. Angamba anankiray izay nirenireny izany, izay nandray Anao fahiny, Tompo, saingy nanalavitra ankehitriny; ento miverina izy ireo, Tompo, izao maraina izao.

⁷⁵ Ary mivavaka izahay ho an'ity fivoriana ity, ho andRahalahy Earl sy ho an'ny vadiny, ary ho an'ireo hafa. Ekeo izany, Tompo.

⁷⁶ Ankehitriny dia vakio ho anay ilay Mofon'Aina, raha manokatra an'ireo pejin'ny Teny indray izahay, satria fantatray fa tsy avy amin'ny fandikana manokana ny Baiboly. Fa, tsy mila anay handika Ny Teniny Andriamanitra, Izy no Mpandika teniny Manokana. Nilaza Izy indray andro hoe, "Aoka hisy hazavana," dia nisy hazavana. Hoy Izy hoe, "Hanan-anaka ny virijiny," dia nanan-anaka izy. "Ary amin'ny andro farany dia handatsaka Ny Fanahiko amin'ny nofo rehetra Aho," tsy mampaninona izay nolazain'izao tontolo izao, Nalatsany izany. Tsy mila mpandika teny Izy. Izy no mandika Ny Teniny Manokana, amin'ny fanaovana an'Izany ho velona sy manamarina an'Izany ho tahaka an'izany. Tongava ao amin'ny fonay, Tompo Jesosy, ka adikao aminay, androany, ireo zavatra izay ilainay. Mangataka an'izany amin'ny Anaran'i Jesosy izahay. Amena.

⁷⁷ Ankehitriny ao amin'ny Baiboly, raha hamadika ianareo. Mino aho fa tsy mbola nanana hafatra iray mihitsy aho izay nezahako nentina mba ho resahana, raha tsy namaky ny Teny mihitsy aloha. Satria, ny teniko dia ho diso, olona iray aho. Fa Ny Teniny dia tsy afaka ho diso mihitsy, Andriamanitra Izy. Noho izany dia ndao isika hamadika ankehitriny ho an'ny lahateny kely iray fotsiny, ary hivoaka isika afaka telopolo, efapolo minitra fotsiny, raha sitrakny Tompo.

⁷⁸ Eo amin'ny Apokalypsy ankehitriny, maniry isika ny hamadika ao amin'ny toko faha-3-n'ny Apokalypsy, manomboka amin'ny andininy faha-14. Ary te-hamaky ny ampahany fotsiny isika, Hafatra iray ho an'ny Taom-Piangonana Laodikia izany. Ary mino aho, ary izaho—ataoko fa ny ankamaroan'ny olona feno ny Fanahy sy ireo mpamaky Baiboly dia mino, afaka hanao *amena* amin'izany, hoe ao amin'ny Taom-Piangonana Laodikia isika, satria izany ilay taona farany. Henoy ilay Hafatra mikasika ny toeran'ilay fiangonana amin'ity fotoana ity.

Ary ho an'ny anjelin'ny fiangonan'i...Laodikia soraty; Ireto zavatra ireto no lazain'ny Amena, ilay vavolombelona mahatoky sy marina, ny fiandohan'ny famorongan'Andriamanitra;

Fantattro ny asanao,...ianao dia sady tsy mangatsiaka na mafana: Tiako ianao mba hangatsiaka na hafana.

Koa satria matimaty ianao, ka tsy mangatsiaka na mafana, dia handò anao avy amin'ny vavako aho.

Satria hoy ianao hoe, manan-karena aho, ary mitombo fananana, ka tsy mila na inona na inona; nefà tsy fantatrazo fa ianao dia ory,...mahantra,... malahelo,...jamba, ary mitanjaka:

Manoro hevitra anao aho hividy amiko volamena voadio tamin'ny...afо, mba hanan-karena ianao; sy fitafiana fotsy, mba hotafinao, sy mba tsy hisehoan'ny henatrazo nohon'ny fitanjahanao; ary hanosotra ny masonao amin'ny odi-maso, mba hahitanao.

Izay rehetra tiako, no anariko sy faiziko: mazotoa ianao, ka mibebaha.

Indro, mitsangana eo am-baravarana aho, ka mandondònà: raha misy mihaino ny feoko, ka mamoha ny varavarana, dia hiditra ao aminy aho, ka hisakafo miaraka aminy, ary izy amiko.

Izay maharesy dia avelako hipetraka miaraka amiko eo amin'ny sezà fiandrianako, dia tahaka ny nandresekò koa, sy ipetrahako miaraka amin'ny Raiko eo amin'ny sezà fiandrianany.

Izay manana sofina, aoka izy hihaino izay lazain'ny Fanahy amin'ireo fiangonana.

⁷⁹ Ny Tompo anie hitahy ny famakiana an'izany Teny izany. Ankehitriny dia tiako ny haka, mandritry ny fotoana vitsy fotsiny, lahateny kely iray, antsoina hoe, *Ireo Varavarana Ao Anatin'Ny Varavarana*. *Ireo Varavarana Ao Anatin'Ny Varavarana*. Ankehitriny izany dia tena...*Ireo Varavarana Ao Anatin'Ny Varavarana*, dia teny telo. *Ireo Varavarana Ao Anatin'Ny Varavarana*.

⁸⁰ Mety hilaza amiko ianareo hoe, “Rahalahy, misy olona zato angamba eto. Eto, tsy mihevitra ve ianao fa karazana lahateny kely izany, nefà manana fanahy zato ianao eo anatrehanao?”

⁸¹ Eny, izany, mety ho marina izany, ilay—kely ilay lahateny. Fa ilay izy dia tsy ny haben'ny lahateny, no—no mikaonty, ilay izy dia izay maha-izy azy. Ilay izy dia—ilay izy dia izay lazain'ny lahateny, no mikaonty.

⁸² Tahaka ny, mino aho fa tany Louisville ilay izy, Kentucky, fotoana vitsy lasa izay, ny—tany amin’ny efitrano tampony ambony ny zazalahy kely iray, niadaladala tamin’ny vata fitondran’entana tranainy tao amin’ny efitra ambanin’ny tafo, ary tojo teo amin’ny hajian’ny paositra tamin’ny fanao fahiny iray izy. Eny, ny zavatra voalohany tao an-tsainy, dia afaka hividy korinen-gilasy misy hero-dronono iray izy amin’izany. Nisy mpanangona iray teo ambanin’ny làlambe, noho izany dia nihazakazaka nankeny an-dàlambe izy, haingana mihitsy arak’izay azony nandehanana. Dia hoy izy, “Inona no homenao ahy amin’ity hajia ity?”

⁸³ Nodinihin’ilay mpanangona izany, ary karazan’ny niofo ilay izy. Hoy izy hoe, “Homeko iray dolara ianao.”

⁸⁴ Oadray, mora namidy izany. Ho namela azy ho dimy cents izy, ary amin’izay fotoana izay dia ho faly amin’izany, hividy gilasy misy hero-dronono iray, saingy lafo iray dolara ilay izy. Nivarotra azy dimanjato dolara ilay mpanangona. Ary taty aoriana, tsy fantatro hoe lasa taiza ilay izy, lasa an-jatony dolara ilay izy. Hitanareo, tsy dia lehibe loatra ilay singan-taratasy kely, singany iray fotsiny izay tsy ho raofinareo avy eo amin’ny gorodona. Fa, tsy ilay taratasy no nikaonty, ilay izy dia izay eo amin’ilay taratasy, no mikaonty.

⁸⁵ Ary tahaka an’izany ilay izy amin’ny famakiana ny Tenin’Andriamanitra. Ilay izy dia tsy ilay taratasy fotsiny, ny teti-bidin’ilay taratasy, na ny haben’ilay taratasy, ilay izy dia izay voasoratra teo amin’io taratasy io. Ary teny anankiray dia ampy hamonjy tontolo iray, raha tahaka an’izany no andraisana azy.

⁸⁶ Fotoana vitsy lasa izay dia nisy... Namaky tantara iray mikasika an’ireo andron’ny manan-kajantsika... Ny iray amin’ireo Filoha malaza indrindra izay heveriko fa hany nananan’ny firenena dia—dia Lincoln. Tsy satria hoe avy any Kentucky izy, fa satria lehilahy malaza iray izy. Tsy nanana fianarana izy, kanefa nisy—nisy zavatra tao am-pony, tanjona iray.

⁸⁷ Izaho—tiako ny lehilahin’ny fahitana iray. Tiako ny olona izay manana zavatra izay iadian’izy ireo, tsy mijanona eo fotsiny hoe, “Eny, izay hany tonga dia ho mety tsara.” Oh, mitsangàna dia ataovy ilay izy! Ary tsy namela ny fianarany nijoro teo amin’ny làlana mihitsy i Lincoln; nanana zavatra hatao izy. Heveriko fa tokony ho tahaka an’izany ny Kristiana tsirairay, tadiavo ny tanjonareo dia mandehana ataovy ilay izy.

⁸⁸ Ny mpikambana tsirairay an’ity favoriana ity, tsy hoe fotsiny, “Eny, manana sakafô maraina iray indray mandeha isambolana izahay,” tsy izany ilay izy, “na indray mandeha isaky ny Sabotsy.” Manàna tanjona iray eo amin’ny fainana, zavatra izay hataonareo. Ndao isika. Andriamanitra no nametraka anareo

teto; manaova zavatra mikasika an'izany, ny mambra tsirairay an'ny fiangonana tsirairay. Misy fifoahazana iray ato amin'ny tanàna. Eo io fifoahazana io ho an'ny tanjona iray. Ndao isika haka zavatra avy amin'izany. Ndao isika hanao zavatra mikasika an'izany.

⁸⁹ Atoa. Lincoln. Nisy lehilahy iray izay...lehilahy tanora, izy—tao amin'ny ady izy, ary—ary izy dia—kanosa iray izy, eo am-panombohana. Ary teo amin'ny fotoan'ny andraikitra, izy—izy—nitsoaka niala tamin'ny toerany izy; ary nahita zavatra hanoherana azy izy ireo, hoe tsy maintsy hotifirina izy. Ary, oh, izy...nahatsiravina izany. Ary lehilahy tanora iray izay tia azy betsaka, no nandeha nankany amin'Atoa. Lincoln, mba hahazo famelàna. Izy no Filoha tamin'ilay fotoana, teto Etazonia teto, ary noho izany dia nandeha nankany aminy izy ho an'ny famelàna.

⁹⁰ Ary nilaza taminy izy, rehefa nivoaka avy tao amin'ny kalesiny izy; ary Atoa. Lincoln, lava, be volombava, tatsimo iringiriny, mahia. Dia hoy izy hoe, "Atoa. Lincoln, misy zazalahy iray izay ho faty, afaka roa andro manomboka izao, ho tifirina, satria dia nitsoaka izy tamin'ny fotoan'ny ady." Dia hoy izy hoe, "Atoa. Lincoln, tsy zazalahy ratsy ilay zazalahy. Fa ireo tifi-basy rehetra ireo, ary—ary ny olona teo am-pahafatesana, dia nikorontan-tsaina izy. Ary nikorontana tanteraka izy, ka, natsangany ny tànany ary nanomboka niantsoantso izy." Nihazakazaka izy, nanao hoe, "Fantatro ilay zazalahy." Hoy izy, "Atoa. Lincoln, ny anaranao eo amin'ity singan-taratasy ity irery ihany no afaka hanavotra azy. Hataonao ve izany?"

⁹¹ Mazava ho azy, ity lehilahy mihaja Kristiana ity, dia nanao sonia haingana an'ilay taratasy hoe, "Voavela, *Ranona-sy-ranona*." Nanasonia ny anarany hoe, "Abraham Lincoln, Filohan'i Etazonia."

⁹² Niverina mafy arak'izay vitany ilay iraka. Ary nihazakazaka nankao amin'ilay efitrano kelin'ny fonja izy, hoy izy hoe, "Afaka ianao! Afaka ianao! Ity ny an'Atoa. Lincoln, ny sonian'Atoa. Lincoln. Afaka ianao!"

⁹³ Hoy izy hoe, "Nahoana ianao no tonga mba haneso ahy, fantatrao fa ho faty aho rahampitso?" Hoy izy hoe, "Esory miala eto io, maneso ahy fotsiny ianao." Dia tsy noraisiny ilay izy. Hoy izy hoe, "Tsia, izaho—tsy mila an'io aho." Hoy izy, "Maneso ahy fotsiny ianao..." Hoy izy, "Raha izany no—no Filoha," hoy izy, "dia ho nisy an'ireo—ireo fiadiana izany, ary ho nanana ny tena taratasiny izy."

Hoy izy hoe, "Saingy ny soniany io!"

⁹⁴ Hoy izy hoe, "Ahoana no hahafantarako ny soniany?" Hoy izy hoe, "Maneso ahy fotsiny ianao, miezaka ny hanao ahy hahatsapa ho tsara ianao." Dia nanomboka niantsoantso izy,

nanodina ny lamosiny. Notifirina ilay zazalahy ny ampitso maraina.

⁹⁵ Avy eo taorian’ny nahafatesan’ilay zazalahy, ary teo amin’io singan-taratasy io ny anaran’ny Filoha, hoe voavela izy, avy eo dia inona? Ary nitondra an’izany teo amin’ny fitsarana federaly izy ireo. Ary ity no fanapahan-kevitr’ireo fitsarana federalintsika, izay teny farany an’ireo fitsarantsika rehetra. Izay lazain’izy ireo matetika, tsy tiantsika ny fanapahan-kevitr’izy ireo, saingy tsy maintsy manaiky an’izany isika na ahoana na ahoana, hitanareo, satria izany no andrim-pamatorana. Izany no teny farany. Ankehitriny, izao no nolazain’io fanapahan-kevitra io hoe, “Ny famelàna dia tsy famelàna raha tsy raisina ho famelàna.”

⁹⁶ Ary tahaka an’izany ny Tenin’Andriamanitra. Famelàna Izany raha raisina ho famelàna Izany. Ary Izany no Tenin’Andriamanitra, Izany no herin’Andriamanitra, ho an’ireo izay hino an’Izany sy hanaiky an’Izany.

⁹⁷ Tsy mampaninona, mijery an’Izany ianareo, ka hoy ianareo hoe, “Oh, efa nampisavorovoroina izany, efa nisy fandikana iray tapitrisa, ary io rehetra io.” Mety ho izany ilay izy amin’ny olona iray.

⁹⁸ Fa, ho ahy, dia mbola ny Tenin’Andriamanitra foana Izany hoe, “Jesosy Kristy ilay tsy miova omaly, anio, ary mandrakizay.” Voatery hijanona amin’izany Teny izany Izy.

⁹⁹ Ankehitriny dia tsy maintsy hitsara ny fiangonana Izy, indray andro any. Ary raha mitsara azy amin’ny alàlan’ny fiangonana Katolika Izy, izay lazain’izy ireo fa Hitsarany, amin’izay fotoana izay dia iza amin’ireo fiangonana Katolika no Hitsarany azy? Samihafa izy ireo ny anankiray amin’ilay hafa. Raha mitsara azy amin’ny an’ireo Metodista Izy, dia vita ny aminareo Batista. Raha mitsara azy amin’ny an’ireo Pentekotista Izy, dia vita ny amin’ny sisa aminareo.

¹⁰⁰ Fa tsy hitsara azy amin’ny alàlan’ny fiangonana Izy. Hoy ny Baiboly hoe, “Hitsara an’izao tontolo izao amin’ny alàlan’i Jesosy Kristy Izy, ary Kristy no Teny.” Noho izany dia hitanareo fa tsy manana fialan-tsiny isika, Izany dia ny Tenin’Andriamanitra, no Itsarany antsika; ary tsy mampaninona na teny kely toy ny ahoana, ny dikan’ny teny anankiray ampiana amin’Ity, hoy ny Apokalypsy 22:18.

¹⁰¹ Voalohany, dia hanomboka amin’ny Genesisy aho. Nomen’Andriamanitra ho an’ny taranak’olombelona Ny Teniny, mba hiarovana ny tenan’izy ireo amin’ny fahafatesana, fahotana, ary alahelo, na ny loza rehetra. Rojo iray, an’Ireo Teniny. “Aza mikasika an’ity hazo anankiray ity ianao, satria, amin’ny andro hihinananao azy, dia izany no andro ahafatesanao.” Ary ny rojo iray dia eo amin’ny fitohizany malemy indrindra no tsarany indrindra. Ary ireo fanahintsika dia voasintona eo ambonin’ny

helo, mihazona eo amin'io rojo io; tapaho ny iray amin'izy ireo, dia izay ihany no tokony hataonareo. Tsy nanimba fehezan-teny iray mihitsy i Eva, Teny anankiray no nosimbainy, tamin'ny alàlan'i Satana. Izany no fiandohan'ilay Boky.

¹⁰² Teo afovoan'ilay Boky dia tonga Jesosy, ka nanao hoe, "Tsy ny mofo ihany no hiveloman'ny olona, fa ny Teny rehetra." Tsy hoe ampanhan'izy ireo, anankiray fotsiny eto sy etsy, fa, "Ny Teny rehetra izay aloaky ny vavan'Andriamanitra."

¹⁰³ Rehefa maty Izy, nitsangana, ary lasa nankany An-danitra, ka niverina indray ary nanome an'i Jaona . . . izay Nolazainy teo taorian'ny Fitsangananany. Hoy izy, "Ahoana moa . . ." Hoy izy, "Inona no hitranga amin'ity lehilahy ity?"

¹⁰⁴ Hoy Jesosy hoe, "Ho inonao raha manohy mandra-Pihaviko izy?" Tsy nahafantatra marina tokoa fa ny fiainany dia hitohy, saingy nitohy ny asam-panompoany. Ary nampakatra azy Izy, ao amin'ny toko faha-4-n'ny Apokalypsy, ka naneho taminy an'ireo zavatra izay ho avy, izay iainantsika, hatramin'ity lahateny androany ity mihitsy aza.

¹⁰⁵ Ary avy eo eo amin'ny toko faha-22, ilay toko farany, ny andininy faha-18, dia hoy Izy hoe, "Na iza na iza hanaisotra Teny anankiray avy amin'ity Boky ity, na hanampy teny anankiray amin'Izany, dia ho esorina amin'ny Bokin'ny Fiainana ny anjarany." Hitanareo? Noho izany dia mino isika fa mivelona amin'ny Tenin'Andriamanitra rehetra ny olona. Mino an'izany aho ary fantatro fa marina izany. Kely toy ny ahoana, tsy mampaninona izany. Mila teny anankiray fotsiny ilay izy, hanaovana an'izany.

¹⁰⁶ Mieritreritra ny hoe kely sy tsy misy dikany toy ny ahoana, eo am-pahitana fa maro amin'ireo sakaizako Canadiana no mipetraka eto. Tsaroako aho tany Canada rehefa ny Mpanjaka George. . . Ilay anankiray izay nananako tombontsoa nandeha mba hivavahana, rehefa sitrana izy, niaraka tamin'ny sclérose maro; njaly izy tamin'izany andro izany, tamin'ny sclérose, ary tratry ny aretim-bavony koa izy, fery iray; araka ny fantatry ny maro aminareo Canadiana, sy Amerikana, ihany koa. Fa nahita azy nandalo teo, nipetraka ao anatin'io kalesy io, izy—mpanjaka iray izy. Nitondra ny tenany tahaka ny mpanjaka iray izy. Nipetraka teo akaikiny ny mpanjakavaviny tsara tarehy, tao amin'ny akanjony manga, ary raha nandeha teny andàlambe izy.

¹⁰⁷ Ary ny sakaizako iray, sy izaho, dia nitsangana niaraka. Ary rehefa nandalo io kalesy io, dia nanodina ny lohany fotsiny izy ary nanomboka nitomany. Napetrako teo amin'ny sorony ny tànako, ka hoy aho hoe, "Inona ilay olana?"

¹⁰⁸ Hoy izy hoe, "Rahalahy Branham, io mandeha io ny mpanjakako sy ny mpanjakavaviny." Eny, izaho—afaka nankasitraka an'izany aho.

¹⁰⁹ Noho izany dia nieritreritra aho hoe, “Raha ny Canadiana iray, eo ambanin’ny lehiben’ny governemanta, tsy lehiben’ny governemanta, fa mbola lohan’ny governemanta iray ihany koa, an’i Angletera, ary ny fandalovan’ilay mpanjaka, no nanao Canadiana iray hitomany, ka nanodina ny lohany ary nitomany, dia ho inona rehefa mahita ny Mpanjakantsika isika?” Ary ny mieritreritra an’izany, ny anjarantsika dia ho ny Mpanjakavavy.

¹¹⁰ Noho izany dia navoaka avy tao an-tsekoly ireo ankizy, ireo ankizy kely, izy ireo dia nomena saina kely, Britanika iray. Nantsoina ho zavatra hafa iray ny saina Canadiana. Rahalahy Fred, inona no iantsoana an’ilay saina Canadiana? [Hoy Rahalahy Fred Sothmann hoe, “Union Jack.”—Mpand.] Union Jack. Fa izy ireo dia nomena saina kely, Britanika iray, mba hahofahofa. Ary rehefa nandalo ilay mpanjaka, dia nitsangana ireo ankizy kely rehetra, nanofahofa ny—ny sainany kely, ary niantsoantso an’ilay mpanjaka. Ary—ary nisy tarika teo nitendry ny, *Andriamanitra Anie Hamony Ny Mpanjaka*, raha nandeha nanerana ny lalambe izy.

¹¹¹ Oh, raha afaka fotsiny ianareo nanana . . . Raha nanana fijery iray an’izay hisy amin’io fitsanganana any io ianareo!

¹¹² Ary rehefa nilazana izy ireo, ireo ankizy kely, mba hiverina any an-tsekoly vantany vao ny—tapitra ilay matso. Ary, niverina ireo ankizy kely, dia banga zazavavy kely iray ny sekoly anankiray. Ary nandeha hatraiza hatraiza izy ireo, mba hitady an’ilay zazavavy kely, nandroso sy niverina teny an-dalàmbe. Ary, farany, tao ambadiky ny andry telegrafika iray, no nitsangana ilay zazavavy kely, bitika, bitika kely, sahozanina, nitomany tamin’ny fo keliny mihitsy.

¹¹³ Eny, naka azy ilay mpampianatra ary . . . [Elanelana tsy voaraki-peo—Mpand.] “Inona ilay olana? Tsy nahita ny mpanjaka ve ianao?”

Hoy izy hoe, “Eny, nahita ny mpanjaka aho.”

Hoy izy, “Tsy—tsy nanofahofa ny sainanao ve ianao?”

Hoy izy hoe, “Eny, izaho—nanofahofa ny sainako aho.”

Hoy izy hoe, “Eny, noho izany, dia nahoana ianao no mitomany?”

¹¹⁴ Hoy izy hoe, “Hitanao, ry mpampianatra, tena kely loatra aho, ireo hafa dia nitsangana teo alohako, goavana kokoa izy ireo. Ary nahofahofako ny sainako, saingy tsy hitany ilay izy.” Ary nikorontana izy mikasika an’izany. Eny, mety tsy nahita an’io zazavavy kely io ny Mpanjaka George, tao amin’ny tsanganana. Mety tsy nahita ny fony tia tanindrazana izy, sy hoe ahoana no tsapany ny aminy. Tena fohy loatra izy.

¹¹⁵ Saingy tsy tahaka an’izany ilay izy amin’ny Mpanjakantsika! Oh, ny zavatra kely izay ataontsika, dia Hitany izany. Ary Fantany ireo tena zavatra sy eritreritra mihitsy izay ao

am-pontsika, na inona na inona ataontsika, kely toy ny inona ilay izy. Ary ahoana no hanompoantsika Azy? Araka ny hifanompoantsika. Raha tsy tia anareo aho, dia ahoana no ahafahako hitia Azy? Hitanareo? “Arak’izay nataonareo tamin’ireto Madiniko ireto, no nanaovanareo an’izany Tamiko.” Hitanareo?

¹¹⁶ Ilay izy dia ireo—ilay izy dia ireo zavatra kely izay navelantsika tsy ho vita, matetika, no manapaka an’ilay rojo manontolo, hitanareo, ary mamela antsika handeha malalaka, misaina ara-anaram-piagonana fotsiny, ka manadino mikasika an’ireo zavatra kely izay marina tokoa—ireo zavatra tena ilaina. Ny zavatra rehetra, ny Tenin’Andriamanitra tsirairay, dia tena ilaina. Tsy misy anankiray amin’Izany afaka havela. Tsy maintsy maka ny Teny tsirairay an’Izany isika, arak’izay nanoratana Azy mihitsy.

¹¹⁷ “Mitsangana eo am-baravarana Aho,” hoy Jesosy, ao amin’ity Taonan’i Laodikia ity, “ka mandondònà.” Efa voamarikareo ve, ny taom-piagonana tokana izay nandroahana Azy tao amin’ny Fiagonany? Ireo taom-piagonana hafa rehetra, dia tao anatin’ny fiagonana Izy. Tamin’ny alàlan’ireo Metodista, sy Loterana, sy ny sisa, dia tao anatin’ny Izy, ny fiagonana. Fa eto Izy dia any ivelany, ireo fanekem-pinoantsika sy ny sisa no nandroaka Azy tany ivelan’ny fiagonana. Fa nitsangana eo Izy, mbola mandondònà foana hoe, “Izay handre ka hanokatra ny varavarana, dia hiditra miaraka aminy Aho, hisakafo miaraka amin’izy ireo, ary hanome azy fanasitranana ho an’ny masonry, ary—ary fitafiana, sy hanome azy ny haren’ny Lanitra; izay handre Ahy mandondònà.”

¹¹⁸ Nihevitra aho fa afaka nieritreritra ny anaran’ilay artista izay nanao sary an’io sary io, nandoko sary iray, raha ny marina, ny teo amin’ny varavarana. Rehefa izy...Fantatrareo, ireo sary malaza rehetra dia tsy maintsy mandalo ao amin’ny laharana aloha, na, ny efitrano’ny fanakianana, alohan’ny ahafahany hihantona ao amin’ny Efitrano’ny Laza. Io fandokoana tany am-boalohany io ankehitriny dia hitentina an-tapitrisany dolara.

¹¹⁹ Fa, hitanareo, izany dia mitovy amin’ilay Fiagonana, izay tsy maintsy mandalo ao amin’ny efitrano’ny ireo fanakianana. Mandalo isika. Ianareo dia hantsoina hoe “holy-roller,” hantsoina amin’ny zavatra rehetra ianareo. Saingy raha afaka mihazona ny toeranareo ao amin’i Kristy fotsiny ianareo, amin’izay fotoana izay dia hitondra antsika hankao amin’ilay Efitrano’ny Laza Izy indray andro any. Fa tsy maintsy mahatanty ny fanakianana aloha isika. Eo no mijoro ny hakelezantsika, eo no miseho izany. “Izay tsy afaka mahatanty famaizana dia zazasary iray, fa tsy zanak’Andriamanitra.” Tsy mampaninona na impiry no nikambanany tamin’ny fiagonana, ary na inona na inona nataony, izy dia mbola, raha tsy

afaka mahatanty famaizana izy, dia zazasary iray, fa tsy tena zanak'Andriamanitra. Fa ny tena zanak'Andriamanitra, tena izy dia tsy miraharaha an'izay lazain'izao tontolo izao, ny zavatra hafa rehetra dia faharoa. Mameetraka ny fisainany eo amin'i Kristy izy, dia milamina hatreto izany. Eny. Na inona na inona lazain'i Kristy hatao, dia hataony izany. Na aiza na aiza andehanan'ny Zanak'ondry, dia miaraka Aminy izy ireo, na aiza na aiza. Ary amin'izay fotoana izay ianareo dia mahita ny Fisehoany, Ny Fanatrehany, ary izay Ataony. Miaraka amin'ny Olony foana Izzy, Ny Ampakariny. Mitory fitiavana aminy Izzy. Indray andro any dia hisy Sakafo harivan'ny Mpanambady iray.

¹²⁰ Ary ity artista ity, na izany aza, rehefa nandalo an'ireo fanakianana izy, andiana fanakianana iray no niangona nanodidina an'ity artista ity. Tsy afaka mieritreritra ny anarany aho. Miezaka aho ny mieritreritra an'i Michelangelo, saingy izy no mpanao sokitra ny tsangambaton'i Mosesy. Fa tsy afaka mieritreritra ny anarany aho. Fa, na izany aza, dia hoy izy hoe, "Miavaka ny sarinao," hoy izy, "tsy manana na inona na inona azoko lazaina manohitra an'ilay sary aho." Hoy izy hoe, "Satria, mihazona fanilo iray eny an-Tànnany Izzy, izany no maneho fa Izzy dia tonga, ihany koa, ao amin'ny aizina indrindra an'ny alina." Hoy izy hoe, "Ary avy eo dia eo am-baravarana Izzy, miaraka amin'ny Lohany, ny Sofiny, mba tsy hahatonga Azy... hahazo antoka fa tsy ho diso an'ilay antso malemy indrindra. Manana ny Sofiny mitodika mankany amin'ny varavarana Izzy, ary mipaipaika eo am-baravarana Izzy." Hoy izy hoe, "Saingy, fantatrao, tompoko, misy zavatra anankiray izay adinonao ao amin'ny sarinao."

¹²¹ Ary ilay artista, naka ny androm-piainany rehetra handoko an'ilay izy, hoy izy hoe, "Inona no adinoko, tompoko?"

¹²² Hoy izy hoe, "Tsy mampaninona na impiry Izzy no nandondòna, hitanao, adinonao ny nametraka hidim-baravarana iray teo amin'ilay izy. Tsy misy hidim-baravarana eo amin'ilay varavarana." Raha hanamarika an'ilay varavarana ianareo, dia tsy misy hidim-baravarana eo amin'ilay izy.

¹²³ "Oh," hoy ilay artista, "tahaka an'izany no nandokoako azy. Hitanao, tompoko," hoy izy, "ao anatin'ny ilay hidim-baravarana. Ianao no anankiray izay mamoha an'ilay varavarana. Ianao no mamoha an'ilay varavarana."

¹²⁴ Oh, ho an'ny inona no andondòn'an'ny olona iray eo amin'ny varavarana'ny olona iray? Miezaka hahazo fidirana izy. Miezaka ny hiditra izy. Manana zavatra izay tiany ho tenenina aminareo angamba izy na ho resahaha aminareo. Manana hafatra iray ho anareo izy. Ary izany no antony andondòn'an'ny olona eo amin'ny varavarana'ny olona anankiray hafa. Manana antony iray izy ireo hanaovana an'izany. Tsy afaka hitranga izany raha tsy misy antony iray. Tsy handeha hankany amin'ny tranon'ny olona iray

ianareo raha tsy misy antony iray handehanana; raha tsy misy na inona na inona hafa, hamangiana, hitondra hafatra iray ho azy, na zavatra iray. Misy antony iray handehanan'ny olona iray handondòna eo amin'ny varavarana'ny olona iray hafa.

¹²⁵ Na aiza na aiza misy fanontaniana iray, dia tsy maintsy misy valiny iray. Tsy mety misy fanontaniana iray tsy misy valiny iray. Koa izany no tadiavintsika ao amin'ny Baiboly, ireto fanontanian'ny andro ireto, dia ny Baiboly no manana ny valiny. Ary Kristy izany Valiny izany.

¹²⁶ Ankehitriny, olona malaza maro no nandondòna teo amin'ireo varavarana, nanerana ny androm-piaainana, ary maro no nandondòna tamin'ireo andro lasa; ary hisy angamba, raha manohy mandeha ny fotoana, hisy olona maro, manan-danja amboninny.

¹²⁷ Ankehitriny, ny zavatra voalohany, angamba, raha nandondòna teo amin'ny varavaranareo ny olona iray, raha afaka ianareo, dia hitsoriaka ianareo ka hisintonia ny lamban'efitra, hahita hoe iza no ao.

¹²⁸ Raha sahirana ianareo, araka ny ihamboantsika fa izany isika amin'izao andro izao, "Sahirana loatra mba handeha any am-piangonana; sahirana loatra mba hanao an'ity. Ary, fantatrareo, tsy mino an'io karazan-javatra io ny fiangonako." Ary, hitanareo, tsy ampy vatsy kely fotsiny isika, matetika, avy amin'ny Teny.

¹²⁹ Fa sintoninareo ny lamban'efitra, avy eo dia te-hahita ianareo hoe iza no mitsangana eo. Ka raha olona tena ilaina ilay izy, dia mihazakazaka haingana mankeo amin'ny varavarana ianareo.

¹³⁰ Ankehitriny dia ndao isika hiverina kely fotsiny, ka haka olona vitsivitsy izay nandondòna. Ndao isika hiverina ka hieritreritra an'i Farao tany Egypta, an-jatony taona maro lasa izay. Ahoana moa raha—raha i Farao, mpanjakan'i Egypta, no tonga teo amin'ny varavarana'ny tantsaha iray? Ary somary tsy nifanaraka tamin'i Farao io tantsaha io, ary tsy nino an'ireo foto-keviny izy, ka tsy nifanaraka taminy. Ary—ary, nefo indro mitsangana i Farao, mitsangana eo am-baravarana'ny—ny mpanao biriky iray na mpihosom-potaka iray, araka ny niantsoantsika azy ireo, tany Egypta. Ary misintonia ny lamban'efiny izy, ka mitsangana eo am-baravarana ilay Farao mahery. Ary mandondòna izy; tsiky no eo amin'ny tarehiny. [Mandondòna zavatra iray Rahalahy Branham—Mpand.] Nahoana, hanokatra ny varavarana io tantsaha io, ka hanao hoe, "Midira, ry Farao lehibe, enga anie hahita fitia eo imasonao ny mpanomponao manetry tena. Raha misy zavatra ao amin'ireo rindriko, dia tena andevo iray aho aminao, ry Farao. Nanome voninahitra ahy ambonin'ireo rahalahiko ianao. Tonga ato an-tranoko ianao,

nefa lehilahy mahantra iray aho. Ireo mpanjaka irery ihany no vangianao sy—sy ireo manan-kaja, ary ireo olona manan-danja. Nefa aho tsinontsinona. Fa ianao—namangy ahy ianao, nanome voninahitra ahy ianao, ry Farao. Inona no azon'ity mpanomponao manetry tena ity hatao?" Tsy mampaninona izay ho nangatahan'i Farao, na dia ny ainy aza, ho nomeny izany. Azo antoka. Voninahitra iray izany.

¹³¹ Na, atao hoe ohatra, itompokolahy Adolf Hitler, fony izy Führer an'i Alemania. Ahoana moa raha nandeha nankany an-tranon'ny miaramila iray izy? Ary nitoby nanodidina io andiana miaramila kely Nazi rehetra io, ka, ny zavatra voalohany fantatrareo, nahoana, nandondôna teo amin'ny varavarana ny olona iray. Ary hoy ilay miaramila kely hoe, "Ah, mahatsapa ho ratsy aho izao maraina izao! Ry vadiko, teneno izy ireo handeha."

¹³² Dia nitsoriaka nankeo amin'ny varavarana izy, ary nisintona an'ilay lamban'efitra. Hoy izy hoe, "Ry vadiko! Ry vadiko, mitsangâna, haingana!"

"Inona ilay olana? Iza no mitsangana ao?"

"Hitler, ilay Führer an'i Alemania!" Oh, oadray!

¹³³ Nitsambikina io miaramila kely io, nanao ny akanjony, haingana, ary nanao jery atrika. Nandeha nankeo amin'ny varavarana, namoha ny varavarana, ary nanokatra ny varavarana, ka nanao hoe, "Heil Hitler!" Hitanareo, lehilahy malaza iray izy, tamin'ny androny tao Alemania. "Inona no azoko atao?"

¹³⁴ Raha nilaza izy hoe, "Mandehana mitsambikina ao amin'io hantsana eo io," dia ho nataony izany. Nahoana? Tsy misy intsony, tsy misy lehilahy manan-danja malaza kokoa ao Alemania, tamin'ny andron'ireo Nazi, noho i Adolf Hitler. Lehilahy malaza iray izy. Ary izy...Ary, voninahitra toy ny inona, nefo ireo jeneraly sy lehilahy malaza ihany no vangiany, fa eto izy dia eo am-baravararan'ny miaramila mpandeha antongotra kely iray! Oh, ho voninahitra iray lehibe tokoa izany ho azy.

¹³⁵ Eny, ankehitriny, inona ny amin'ny Flagstaff? Hitondra azy akaiky kokoa any an-trano isika. Ahoana moa raha amin'ity tolakandro ity, hoe—hoe ny Filohantsika, Atoa. Johnson, L. B. Johnson, ahoana moa raha hidina avy amin'ny fiaramanidina iray izy, eto any ho any? Ary ankehitriny dia ao amin'ny kilasin'olona anankiray isika rehetra. Mahantra isika rehetra. Angamba nanana asa tsaratsara kely kokoa ny anankiray, angamba trano iray tsaratsara kely kokoa, nefo, na eo aza izany, dia olombelona fotsiny isika. Fa ahoana moa raha tonga ao an-tranonareo izy eto, angamba ny manetry tena indrindra amintsika, ka mandondôna eo am-baravarana; ary nandeha nankeo amin'ny varavarana ianareo, ka nitsangana teo ny

Filoha L. B. Johnson? Nahoana, ho voninahitra iray lehibe izany. Mety tsy mifanaraka aminy ianareo, amin'ny politika. Fa ho lehilahy iray nomem-boninahitra ianareo, ny hanana ny Filohan'i Etazonia mitsangana eo am-baravararanareo. Iza moa ianareo ary iza moa aho? Ary mitsangana eo am-baravararanareo eo i Lyndon Johnson! Na dia mety ho Sosialista iray aza ianareo na Repoblikana, na tsy mifanaraka aminy iray tapitrisa maily, kanefa dia ho voninahitra iray izany.

¹³⁶ Mba fantatrareo moa? Satria dia nomena anareo io voninahitra io, nahoana, handefa an'izany eo amin'ny fitaratra fijerena ny televiziona rahariva. Azo antoka. Ireo gazety midadasika rahampitso dia hanana matoan-dahatsoratra ao amin'izany, eto ao amin'ny gazetin'i Flagstaff, hoe, “*John Doe*. Nandray fiaramanidina nankany Flagstaff ny Filohan'i Etazonia omaly, tsy nantsoina, fa nandeha fotsiny, tsy nisy fanasana akory aza, ary nandondòna” teo am-baravararanareo. Manetry tena! Ho nanana anarana iray hoe lehilahy iray manetry tena io Filoha io, malaza arak'izay maha-izy azy, tonga tao amin'ny ahy na ny varavararanareo; tsinontsinona isika, avy eo dia tonga ka nireshaka tamintsika.

¹³⁷ Nahoana, ho nandeha teny an-dàlambe ianareo, ka nanao hoe, “Eny, izaho ilay olona. Namangy ahy ny Filoha.”

¹³⁸ “Mipetraha tsara, mamelà ahy haka ny—haka ny sarinao mihorirana. Mijere mahitsy aty amiko. Ankehitriny dia toy ny ahoana ianao rehefa mandeha?” Ho olona manan-danja iray ianareo. Azo antoka.

¹³⁹ Ahoana moa raha ho tonga ny mpanjakavavin'i Angletera, na dia tsy eo ambanin'ny fanapahany aza ianareo? Fa ho voninahitra iray ho an'ny sasany aminareo vehivavy ny handray ny mpanjakavavin'i Angletera, na dia tsy eo ambanin'ny fahefany aza ianareo. Fa, kanefa olona malaza iray izy, izy no mpanjakavavy malaza indrindra eto amin'izao tontolo izao, amin'ity fotoana ity. Izany tokoa, izany izy, fiteny arapolitika izany. Fa raha nangataka haingo kely iray teo amin'ny rindrinareo izy, izay tena sarobidy aminareo, dia ho nomenareo azy izany. Ho voninahitra iray ho anareo ny hanao an'izany. Azo antoka, mpanjakavavin'i Angletera izy.

¹⁴⁰ Ary homem-boninahitra ianareo, avy amin'ny Filoha. Ary hiresaka mikasika ny fanetre-tenan'ilay mpanjakavavin'i Angletera ny olona rehetra, nandeha fiaramanidina mba hijery vehivavy iray eto Flagstaff, tsinontsinona kely iray. Ary hamoaka an'izany ireo gazety, ary handefa an'izany ireo vaovao.

¹⁴¹ Fa, fantatrareo, ilay Olona manan-danja indrindra amin'ny fotoana rehetra, Jesosy Kristy, no mandondòna eo amin'ny varavarantsika. Nefa nolavina Izzy, mihoatra noho ireo mpanjaka sy mpanapaka rehetra izay hany nisy. Marina izany. Ary raha mety hanaiky Azy ianareo ka mivoaka ary milaza zavatra

mikasika an'izany, dia hihomehy anareo eo amin'ny tavanareo ilay izao tontolo izao any ivelany. Tsy hisy vaovao izay . . .

¹⁴² Iza no afaka ho tonga ao an-tranonareo, malaza kokoa noho Jesosy Kristy? Iza no afaka handondòna eo amin'ny varavaranareo, malaza kokoa noho Jesosy Kristy? Iza no afaka hanao an'izany? Ilay Zanak'Andriamanitra, iza no afaka mandondòna ao an-tranonareo, iza no ho manan-danja kokoa? Kanefa mandondòna Izzy, isan'andro. Ary na dia manaiky Azzy aza ianareo, dia antsoina hoe fanatika iray ianareo. Noho izany, hitanareo ve hoe ahoana no ahafantaran'izao tontolo izao ny azy manokana? Marina izany. Fa ankehitriny dia tsy ho tonga Izzy raha tsy manana antony iray hahatongavana Izzy.

¹⁴³ Ary mieritreritra ny fanetre-tenan'ny Filoha Johnson ve ianareo, na ny mpanjakavavin'i Angletera, na olona malaza iray, toy ny ahoana no hampisehoana an'izany, ny fanetre-tenan'io olo-malaza manan-danja mandondòna eo am-baravararanareo io!

¹⁴⁴ Ahoana ny amin'ny fanetre-tenan'ilay Zanak'Andriamanitra? Iza moa isika afa-tsý mpanota, maloto, "teraka tamin'ny fahotana, notorotoronina tamin'ny heloka, tonga teo amin'izao tontolo izao niteny lainga?" Nefy avy eo dia ho avy ilay Zanak'Andriamanitra ka handondòna eo amin'ny varavarantsika.

¹⁴⁵ Ankehitriny, mety hangataka fitia aminareo ilay mpanjakavavin'i Angletera. Mety maka zavatra iray avy aminareo izy. Mety ho toy izany koa ilay Filoha, mety hangataka anareo hanao zavatra izay tsy tianareo natao izy. Mety hangataka aminareo an'ireo harena izay tsy tianareo hafoy izy, sy izay tsy hidika na inona na inona, aminy fotsiny.

¹⁴⁶ Fa mitondra zavatra iray ho anareo Jesosy rehefa mandondòna Izzy. Mitondra famelàna iray Izzy. Aza lavina izany. Satria, tahaka ny nitsarana an'ilay izy teo amin'ny fitsarantsika eto, dia ho toy izany koa ao amin'ny Fanjakan'ny Lanitra. Raha nandondòna Izzy ka nitondra famelàna, nefy nolavinareo izany, ary maty ao amin'ny fahotanareo, dia ho levona ianareo; na dia nanana ny voninahitra nippetraka tao amin'ny favoriana iray tahaka an'ity aza ianareo, na dia nanana ny voninahitra nanatrika an'ilay fifohazana aza ianareo, na ny fiangonanareo, ka nandre ny pasiteranareo nitory hafatra iray an'ny Filazantsara. Ary nanana ny mpanatrika ianareo, manao hoe, "Eny, tany aho." Angamba, ianareo, sarotra ny hiteny an'izay rehetra azonareo lazaina. "Nandre ny hira aho. Nankasitrahako izany. Nandre an'ireo fijoroana vavolombelona aho. Tena nisy izany." Saingy nolavinareo Izany.

¹⁴⁷ Ahoana moa raha lehilahy tanora iray aho ary nahita ramatoa tanora iray; tsara tarehy izy, Kristiana iray izy? Izzy dia hanao . . . Izzy no nanana ny rehetra amin'ny fepe- . . . [Elanelana tsy voaraki-peo—Mpand.] Tsy afaka mahita

fahadisoana amin'Izany ianareo, saingy tsy maintsy hametraka ny fombafomban'olona eny amin'ny ilany ianareo. Hoy ianareo hoe, "Oh, mino aho fa marina Izany. Hitako, napetraka..." Saingy tsy maintsy manaiky an'Izany ianareo. Ianareo... Noho izany dia lasa ampahako io vehivavy io. Noho izany dia lasa ampanahan'ny Teny ianareo, dia ny Ampakarina. Raha Izzy no Teny, dia ho Ampakarina-Teny iray ny Ampakarina. Hitanareo, ho izany tokoa! Hitanareo, tsy maintsy manaiky an'Izany ianareo. Ianareo dia ho... Afaka hilaza an'izay tianareo lazaina ianareo, afaka mirehareha momba ny Filoha ianareo; fa mazàna rehefa anjaran'i Jesosy no tonga eo amin'ny varavarantsika, dia lavintsika fotsiny Izzy. Hitanareo, tsy te-hanao na inona na inona Aminy fotsiny isika. Hoy isika hoe, "Eny, amin'ny andro hafa iray."

¹⁴⁸ Ahoana moa raha nandondòna teo am-baravararan'ny olona iray ianareo? Ankehitriny ndao isika hamadika an'ilay sary mihitsy mandritry ny iray minitra. Ahoana moa raha nandeha ianareo ka nandondòna teo amin'ny varavararan'ny olona iray, ka nanana zavatra ho azy ireo ianareo? Ary, sady izay koa, izy ireo taminareo dia saiky tahaka anareo amin'Andriamanitra; eny, raha manao ianareo, nahoana, mety tsara, fa tsy manana tady mifatotra ianareo. Noho izany rehefa nandondòna teo amin'ny varavararan'ny olona iray ianareo, ka nitsirika teo amin'ny varavarankely izy ireo, ary nanakatona an'ilay lamban'efitra; na tonga eo am-baravarana, ka manao hoe, "Amin'ny andro hafa iray!"

"Eny, ho tiako..."

¹⁴⁹ "Tsy manam-potoana aho izao maraina izao!" Fantatrareo ve izay hataonareo? Angamba ilay zavatra iray ihany izay hataoko, sy ny sisa amin'izy ireo, tsy hiverina intsony ianareo.

¹⁵⁰ Fa tsy Jesosy. "Mitsangana Aho, ary mandondòna," mandondòna hatrany. [Mandondòna hatrany eo amin'ny zavatra iray Rahalahy Branham—Mpand.] Hitanareo? "Izay mitady tsy mitsahatra," tsy hoe mitady. "Mitady tsy mitsahatra! Izay mandondòna tsy mitsahatra!" Mandondòna, mandondòna dia fitohizana iray, mandondòna tsy mitsahatra! Hitanareo, "Izay mitady tsy mitsahatra, izay mandondòna tsy mitsahatra, izany no..." Tsy hoe fotsiny...

¹⁵¹ Tahaka ny fanoharana ny amin'ilay mpitsara tsy marina. Nandeha ilay vehivavy ary te-hamaly faty, valy faty, saingy tsy afaka nahazo an'izany izy. Izzy... Nandondòna hatrany izy ary niangavy. Ary hoy izy hoe... "Mba hialana aminy fotsiny, dia hamaly faty ny fahavalony aho."

¹⁵² Tsy mihoatra noho izany ve ilay Ray any An-danitra? Hitanareo, tokony isika no handondòna eo amin'ny Varavarany. Tokony i Adama no nihazakazaka nandroso sy niverina teo amin'ny saha, nihorakoraka hoe, "Ray! Ray, aiza Ianao?" Fa raha

tokony, raha tokony ho izany, dia Andriamanitra no nandeha nandroso sy niverina teo amin'ny saha hoe, "Anaka! Anaka, aiza ianao?" Hitanareo, mampiseho an'izay maha-izy antsika fotsiny izany. Miafina foana isika, raha tokony hivoaka avy hatrany ka hiaiky an'izany. Miezaka mandositra isika, miafina ao ambadiky ny zavatra iray. Ny natioran'ny olona fotsiny izany, tahaka an'izany no ananantsika an'ilay izy. Eny, tompoko.

¹⁵³ Hanome ho an'ireo olona ireo ny tsara indrindra izay anananareo ianareo, ny zavatra rehetra. Saingy ianareo tsy, ianareo—ianareo—tsy hanaiky an'i Jesosy ianareo. Tsy ianareo no tiako lazaina, fa ny olona eto no tiako lazaina.

¹⁵⁴ Na angamba mety hilaza an'ity ianareo, mety hilaza ianareo hoe, "Ry mpitoky teny, izany mihitsy no nataoko. Izaho—nanokatra ny foko fotsiny aho ka namela an'i Jesosy hiditra. Efa folo taona lasa no efa nanaovako an'izany. Roapolo taona lasa no efa nanaovako an'izany." Eny, mety marina tokoa mihitsy izany, saingy izay ihany ve no nataonareo? Hitanareo?

¹⁵⁵ Te-hanontany anareo aho ankehitriny. Raha nanasa olona iray tany an-tranonareo ianareo, ary avy eo rehefa miditra tao amin'ny varavarana ianareo... Nisy olona nanasa anareo, raha ny marina, nanao hoe, "Midira."

¹⁵⁶ "Eny, manana tanjona iray aho, handeha hankany antanàna aho ary homem-boninahitra, hitanao." Tahaka an'izany no aneken'ny olona maro an'i Kristy. "Izaho dia... Izaho—mikambana amin'ilay fiangonana aho. Mikambana amin'ilay toerana goavana *Izao-sy-izao* eto aho, izay ikambanani'i Dokotera Ph. LL., fantatrao. Ary izany no fiangonana goavana indrindra. Mandeha ao ny ben'ny tanàna, sy ny zavatra rehetra, fantatrao. Izaho—mikambana amin'io fiangonana io aho." Mamela Azy hiditra izy ireo, hatreо ihany. "Hia, hanaiky Azy aho," hitanareo, ho an'ny tombontsoa manokana.

¹⁵⁷ Fa ahoana àry rehefa miditra ao anatin'ny fo Jesosy? Olona maro no manaiky Azy satria tsy te-handeha any amin'ny helo izy ireo. Fa rehefa miditra ao anatin'ny fonareo Jesosy, dia te-ho Tompo Izy. Tsy Mpamonjy iray fotsiny; fa Tompo, ihany koa. *Tompo* dia "fanapahana." Miditra Izy mba—mba hanapaka.

Ankehitriny dia hoy ianareo hoe, "Marina ve izany, Rahalahy Branham?" Azo antoka.

¹⁵⁸ Ahoana moa raha—raha nanasa anareo ho any an-tranoko aho, ka niditra teo amin'ny varavarana ianareo? Ary nandondòna teo amin'ny varavarana ianareo, dia njery tany ivelany aho, hoy aho hoe, "Eny, midira. Raha afaka manampy ahy ianao, eny, dia ataovy izany. Fa ankehitriny, rehefa miditra ianao ankehitriny, dia tsy tiako hitsabatsabaka manerana ny tranoko ianao. Mijanònà eo am-baravarana mihitsy ianao!"

¹⁵⁹ Tsarovy, ny lahatenintsika dia "ireo varavarana" ao anatin'ilay varavarana. Ankehitriny, misy varavarana kely maro

ao anatin'ny fon'olombelona, ary ireo varavarana kely ireo dia manarona zavatra betsaka. Ny mamela Azy hiditra fotsiny, tsy izay ihany ny amin'ilay izy, rehefa miditra Izy.

¹⁶⁰ Rehefa miditra ao an-tranonareo aho, raha mandray ahy eo am-baravarana ianareo, nahoana, raha hilaza ianareo hoe, "Midira, Rahalahy Branham. Tena faly aho mahita anao!"

¹⁶¹ Hilaza aho hoe, "Eny, tombontsoa ho ahy ny miditra ato an-tranonao!"

¹⁶² "Oh, tsy ho avy ve ianao ka hipetraka? Rahalahy Branham, mandehana mitety ny tranonay, ataovy tahaka ny any an-trano ny tenanao!" Oh, oadray!

¹⁶³ Handeha hankeo amin'ny vata fampangatsiahana aho, haka anankiray amin'ireo mofo misy hena goavana be, saiky tahaka an'izao, manala ny kiraroko, ary miditra ao amin'ny efitrano fatoriana ka mandry. Ary hanana fotsiny aho ny—ny tena jobily ara-tsakafo, hitanareo. Nahoana? Satria nahatsapa ho tongasoa aho. Ianareo no nanao ahy ho tongasoa. Noho izany dia ho nankasitrahako izany raha ianareo no nanao ahy ho tongasoa.

¹⁶⁴ Fa raha niditra tao an-tranonareo aho, ka niteny tamiko ianareo hoe, "Mitsangàna eo amin'ny varavarana eo ianao, ankehitriny, aza mitsabatsabaka manerana!" Tsy hahatsapa ho tongasoa loatra aho. Ary ianareo? Tsia, hitanareo, tsy hahatsapa ho tongasoa ianareo. Nisy olona nanasa anareo, ka nanao hoe, "Andraso ankehitriny! Hia, midira, saingy mitsangàna eo mihtisy!"

¹⁶⁵ Ankehitriny, misy varavarana kely iray rehefa miditra ao anatin'ny fon'olombelona ianareo. Hiresaka vitsivitsy amin'izy ireo fotsiny isika, hitanareo. Tsy manana fotoana handinihana an'ireo varavarana rehetra ireo isika, satria misy betsaka amin'izy ireo. Hitanareo? Fa, atao hoe, ireo folo minitra manaraka, ndao isika hiresaka ny amin'ny varavarana vitsivitsy, telo.

¹⁶⁶ Ankehitriny, eo amin'ny ilany ankavanana'ny fon'olombelona, rehefa miditra ao amin'ilay varavarana ianareo, dia misy varavarana kely iray eo amin'ny ilany ankavanana, ary izany dia antsoina hoe, ao anatin'ny ao, ny varavarana'ny avonavona. Oh, oadray! "Aza miditra ao amin'io varavarana io Ianao!" Tsy mila ny Tompo ho ao izy ireo, eo amin'io varavarana io, avonavona izany. "Taranak'andriana iray aho. Mitandrina tsara aho! Oh, eny, jereo ankehitriny, teneniko aminao, izaho—izaho..." Hitanareo, avonavona izany. "Aza mitsabatsabaka ao Ianao!" Ankehitriny, tsy afaka hahatsapa ho tongasoa Izy raha mbola mihazona an'io varavarana'ny avonavona io hikatona foana ianareo.

¹⁶⁷ Tsy maintsy hampiety anareo Izy. Hitanareo, ho an'izany no Idirany. "Ny tianao tenenina amiko ve dia hoe tsy maintsy mandeha eo aho ka—ka hihetsika tahaka ny sisa?" Eny, tsy

voatery ianareo, zavatra anankiray azo antoka izany. “Eny, ho teneniko aminao, inona no neverinao fa hataoko rehefa mandeha mankany amin’ilay favorian’ny mpandrahahaha aho amin’ny manaraka? Inona no hataoko rehefa mihaona amin’ny—amin’ny mpampiisa ahy aho rahampitso? Ary izany, tokony hanana an’io Fanahy io aho eo amiko, ka hitsambikina eo, eo afovoan’ny asako, ary handeha hiteny amin’ny fiteny tsy fantatra, oh, hampietry ahy izany. Tsia, mijanòna eo ivelany eo!”

¹⁶⁸ Hitanareo, eo ianareo izao, hitanareo. Hia, hamela an’i Jesosy hiditra ianareo, hikambana amin’ny fiangonana ianareo ary hametraka ny anaranareo eo, hanaiky an’i Jesosy ho Mpamonjinareo; saingy ahoana ny amin’ny maha-Tomponareo, rehefa manana fanapahana feno Izzy? Rehefa Izzy no Tompo, dia manana an’izany rehetra izany Izzy, Azy izany; ianareo, manolotra ny tenanareo Aminy manontolo ianareo ankehitriny.

¹⁶⁹ Fa io avonavona kely io. “Oh, ny tianao ho lazaina ve, ho anay vehivavy, dia hamela ny volonay haniry izahay?” Eny, izany no Nolazainy. “Tsy maintsy hitsahatra tsy hanao fanatsaran-tarehy, na karazana lokon-tarehy ve izahay?” Izany no Nolazainy. “Eny, inona no neverinao fa hataon’ny klioban’ny fanjairako? Hiantso ahy hoe lamaody antitra izy ireo.” Eny, hazony fotsiny ny avonavonareo. Mandrosoa. Hitsangana eo ambaravarana Izzy, izay ihany no lavitra Azony aleha.

¹⁷⁰ Fa rehefa vonona ny hanokatra an’io varavarana io ianareo, hamela Azy hiditra, dia Izzy no hanadio tanteraka an’izany ho anareo. Handeha ao anatin’ny daban-jaoridira eto ireo sorta, ary hiverina eo amin’ilay daban-jaoridira ny lokon-tarehy, ary ho fatin’ny hanoanana ilay mpanety raha manapaka ny volon’ireo vehivavy fotsiny izy, ho an’ilay tena mpino.

¹⁷¹ Ankehitriny dia hoy ianareo, “Tsy manao izany!” Oh, eny, izany dia manao, ihany koa. Izany no nolazain’ny Baiboly. Marina izany. Hitanareo, misy teny kely iray eo, izay tsy tianareo Hitsabahany.

“Eny, ny pasiterako!”

¹⁷² Tsy ahoako izay nolazain’ny pasitera. Izany no nolazain’ny Baiboly hoe, “Henatra ho an’ny vehivavy iray ny manao tahaka an’izany.”

¹⁷³ “Eny,” hoy ianareo, “tokony hampianatra zavatra antsika isika, Rahalahy Branham, dia hoe ahoana no hahazoana ny Fanahy Masina, ary ahoana no hahalasa ho *ity, itsy*.” Ahoana no hianaranareo alzebra raha tsy mahafantatra ny ABD-nareo ianareo? Tsy mahafantatra akory aza hoe ahoana no, no ihetsehana, mitovy amin’ny anankiray, miakanjo tahaka ny anankiray. Henatra ny mahita an’ireo vehivavy ireo eny andàlambe amin’izao andro izao.

¹⁷⁴ Nandeha tao amin’ny toerana iray aho omaly, rehefa, oh, niditra ny sasany tamin’ireo jiolahy voavadika. Izzy ireo, ireo

lehilahy dia nanana volo teo amin'ny masonry, nidina ary nihantona teo amin'ny lamosiny, ary tahaka ny akanjo manarabatana, tahaka ny anaovan'ireo ankizy kely any am-pianaranana, manao kiraro ratsy goavana be, ny vava misokatra ny antsasany. Afaka miteny ianareo fa naditra izy ireo. Ary niditra tao tahaka an'izany izy ireo, nanao hoe, "Frantsay izahay."

¹⁷⁵ Iza marina no hanakarama lehilahy iray tahaka an'izany ao amin'ny fandraharahany? Ahoana no anaovan'izy ireo fivelomana iray? Ary nahita tena zazalahy vitsivitsy aho nipetraka teo... Avy tany amin'io oniversite any io izy ireo, avy tany ireo beatniks, na mino aho fa izy ireo dia miantsy ny tenany hoe *bugs* na *beatles*, na zavatra tahaka an'izany, iray amin'io karazan-javatra avy any Angletera io. Ary noho izany dia tao tahaka an'izany, iza no hanakarama lehilahy iray tahaka an'izany hiasa ho azy? Hametraka lehilahy iray tahaka an'izany ao amin'ny fandraharahanareo ve ianareo, ianareo lehilahy mpandraharaha? Raha hametraka ianareo, ianareo dia, misy zavatra ao, tsy mbola nanatona akaiky loatra ny Hazo fijaliana ianareo.

¹⁷⁶ Jereo ireo vehivavy ireo eny an-dàlambe, ary fahafaham-baraka iray ilay izy! Angamba vehivavy kely tsy manantsiny manao an'ireny akanjo bitika kely ireny, hitanareo, eny, fahafaham-baraka iray ilay izy, ny fomba maha-azy azy ireo. Eny, hoy ianareo hoe, "Nahoana, ravehivavy, mijangajanga ianao."

¹⁷⁷ Hoy izy ireo hoe, "Andraso iray minitra eto, ry tovolahy! Madio mihitsy araka ny maha-azy ahy aho..." Mety ho marina izany, ao amin'ny eritreritraiseo manokana. Ary mety ho marina izany, manaporofa amin'ny alàlan'ny fizahana arapahasalamana, fa mety ho izany ianareo.

¹⁷⁸ Fa, tsarovy, amin'ny Andron'ny Fitsarana, dia hamaly nohon'ny fijangajangana ianareo. Hoy Jesosy hoe, "Na iza na iza mijery vehivavy mba hitsiriritra azy dia efa njingajanga sahady tao am-pony," ary ianareo no nampiseho ny tenanareo taminy. Hitonareo ve hoe toy ny ahoana no nanajamban'ny devoly azy ireny? Fahafaham-baraka iray ilay izy. Henatra iray izany. Hitonareo, izy ireo—manana fanahy izy ireo. Fanahy iray no manao an'izany. Fanahy iray tsy masina izany.

¹⁷⁹ Fa ny Fanahy Masina iray tena izy dia hanao vehivavy iray hiakanjo maotina ary masina jerena.

¹⁸⁰ Nilaza tamiko ny vadiko, indray andro. Nandeha teny andàlambe izahay, ka nahita vehivavy iray niakanjo lava, tany amin'ny faritray. Tena zavatra iray hafahafa ilay izy, hitanareo, tsy misy Pentekotista betsaka loatra any. Noho izany, dia hitanay fa nanao akanjo lava izy. Dia hoy izy hoe, "Billy," hoy izy, "mahafantatra ny sasany amin'ireo vehivavy ireo aho.

Mihira ao amin'ny antoko mpihira izy ireo eto any amin'ireo fiangonana ireo."

Hoy aho hoe, "Azo antoka."

Hoy izy, "Eny, nefá ve dia mihambo ho Kristiana izy ireo?"

Hoy aho hoe, "Malala, jereo. Hitanao, isika tsy . . ."

Hoy izy, "Nahoana ny olontsika no manao?"

Hoy aho hoe, "Jereo, malala, isika dia tsy avy amin'ny—avy amin'ny firazanan'izy ireo mihitsy."

Hoy izy hoe, "Inona?" Hoy izy, "Amerikana izy ireo."

Hoy aho hoe, "Hia, fa isika tsy izany."

Hoy izy hoe, "Isika tsy izany?"

Hoy aho hoe, "Tsia."

¹⁸¹ Hoy aho hoe, "Rehefa mandeha any Alemania aho, dia mahita ny fanahin'i Alemania. Rehefa nandeha tany Finlande aho . . ." Tao amin'ny sauna tany, maro aminareo Finlandais no mahafantatra, ireo vehivavy no mampandro an'ireo lehilahy. Noho izany, fanahy Finlandais iray fotsiny izany. Olona tena mahafinaritra mihitsy, saingy, mahita ianareo, na aiza na aiza alehanareo, dia mahita fanahim-pirenena iray ianareo.

¹⁸² Miditra ao amin'ny fiangonana iray ianareo ka mandinika an'ilay pasitera, raha tena tsy mahafehy tena izy ary manao hadalana, dia ho toy izany koa ilay fiangonana. Hitanareo? Mifampaka fanahy izy ireo raha tokony ho ny Fanahy Masina.

¹⁸³ Izany no antony ananantsika fampianaran'ny Baiboly betsaka navadika. Raha tokony hiverina eo amin'ilay drafitra, dia naka ny fanahin'ny anaram-piangonana iray izy ireo. Hitanareo? Fa ny Teny dia tena vahiny mihitsy amin'izy ireo tahaka Azy tamin'ny andro nahatongavan'i Jesosy, nampidittra an'ilay tena Filazantsara marina. Hoy izy ireo hoe, "Devoly iray Izy. Belzeboba Izy." Hitanareo? Fa eo no ahazoanareo an'ilay izy.

¹⁸⁴ Dia hoy izy hoe, "Eny, noho izany, raha tsy Amerikana isika, dia inona isika?"

¹⁸⁵ Hoy aho hoe, "Ny Fanjakantsika dia avy any Ambony." Hitanareo, afaka isika, nateraka indray. Ny Fanjakan'Andriamanitra dia ao anatinareo. Hitanareo, mihetseha tahaka ny Any ambony any, solontena avy Any ianareo. Hoy aho hoe, "Olom-pirenena isika eto, mipetraka eto ao anatin'ny nofo. Fa, ny fanahintsika, dia mpivahiny sy vahiny isika." Vahiny isika ho an'izao tontolo izao ankehitriny, na dia ny firenentsika manokana aza, satria nanaiky an'ilay fanasana isika rehefa nandondòna teo amin'ny fontsika izany, mba ho lasa Ampahany, Ny Teniny. Ary ny Teny no manamboatra antsika, manao antsika hiaina sy manao antsika hihetsika tahaka ny Kristiana.

¹⁸⁶ Fotoana vitsy lasa izay, tany Atsimo, tantara kely iray. Nisy mpanjaka iray . . . na, mpividy iray. Nivarotra andevo izy ireo. Izany dia tamin'ny andron'ny—ny fanavakavahana, ary nanana andevo izy ireo tany Atsimo. Izy ireo dia ny . . . Nandalo izy ireo ary nividy azy ireny, tahaka ny hividiananareo fiara efa niasa iray, avy amin'ny maro.

¹⁸⁷ Ankehitriny, mpampikambana iray aho, tanteraka tokoa . . . Ny tiako lazaina dia mpanavakavaka iray. Mpanavakavaka iray aho. Satria, tsy ahoako na impiry izy ireo no hiady hevitra, tsy afaka ny ho Kristiana iray ianareo ary mpampikambana iray. Marina tokoa izany. Manasaraka an'ireo Fireneny mihitsy aza Andriamanitra. manasaraka ny Olony Izy. “Mivoaha avy ao anivon’izy ireo!” Izy dia ny . . . Mpanavakavaka iray Izy. “Aza akory aza . . . Aza mikasika an'ireo zavatr’izy ireo tsy madio!” Nisintona an’i Israely Izy, io firazanana Jiosy io, hivoaka avy tao amin’ny tsirairay, ireo firazanana teto amin’izao tontolo izao. Mpanavakavaka iray Izy.

¹⁸⁸ Nefa tsy mino aho fa ny olona iray dia ho andevo iray. Andriamanitra nanao ny olona; ny olona nanao andevo. Tsy mino aho fa ny anankiray dia tokony hanapaka an'ilay hafa, ny firazanana rehetra, loko, na inona na inona.

¹⁸⁹ Fa misy ny fanavakavahana iray, ny Ampakarin’i Kristy dia navahana avy amin’ny sisa amin’ireo fiangonana, ary marina tokoa izany: fiangonana ara-boajanahary, sy ilay Fiangonana ara-panahy; fiangonana ara-nofo, ilay Fiangonan’ny Teny. Efa izany foana ilay izy. “Tonga tamin’ny Azy manokana Jesosy, ny Azy manokana tsy nandray Azy; fa izay rehetra nandray Azy!”

¹⁹⁰ Noho izany ity, nisy mpividy fahiny, mpanera nandalo ary nividy an’ireo andevo ireo. Indray mandeha dia nisy anankiray tonga teo amin’ny toeram-pambolena lehibe iray, ary nodinihinhy izy ireo. Nokapohina mafy ireo andevo, sy ny zavatra rehetra, fantatrareo. Lavitra ny trano izy ireo; tsy hiverina intsony indray izy ireo. Ireo Boers, ireo Hollandais, no nandeha ary naka azy ireo, nitondra azy ireo teto ary nivarotra azy ireo. Tsy hahita an’i papa intsony indray izy ireo, mama indray, tsy hahita an’ireo zazakeliny intsony indray. Ampanarahany amin’ny anankiray hafa izy ireo; naka lehilahy goavana iray, nampanaraka azy tamin’ny vehivavy goavana iray, lavitra ny vadiny manokana, mba hanao andevo goavana kokoa. Oh, hanao azy ireo hamaly ho an’izany Andriamanitra indray andro any! Marina izany. Tsy tsara izany.

¹⁹¹ Tahaka ny nilazan’i Abraham Lincoln indray mandeha, rehefa nivoaka avy tao amin’ny sambo iray izy tany New Orleans, nanala ny satroka-fatany . . .

¹⁹² Nahita mainty kely telo na efatra izy, tonga, nitsangana teo tsy nanao kiraro, teo amin’izay nananan’izy ireo . . . Nandry ny ombivavy iray ary nanala—nanala ny fanala tamin’ny tany,

nitsangana izy ireo rehefaavy nampiditra an'ireo ombivavy. Vakivaky ireo tongony antitra kely, nivoa-drà. Nihira izy ireo hoe, "Manana kiraro ianao, manana kiraro aho, ary manana kiraro ny zanak'Andriamanitra rehetra."

¹⁹³ Rehefa nivoaka avy tao amin'ilay sambo izy tany, nandroso mankeo amin'ilay tranon'ombilahy, dia nisy maity goavana be iray nitsangana teo, nikaravasy azy, mba hitsapa ny fony. Ary nandefa azy niakatra sy nidina ny lèlambe, niaraka tamin'ny karavasy taoriany; avy eo dia nanamarina ny fony, hahitana raha mety tsara izy. Nitsangana teo ny vadiny kely mahantra, ankizy roa na telo no teo ambanin'ny sandriny tahaka an'izao; mba hivarotra azy, mba hampanaraka azy amin'ny vehivavy iray goavana kokoa. Natsofok'i Abraham Lincoln antitra tao ambanin'ny satrony izany...ny satrony tao ambanin'ny sandriny, tahaka an'izao, ary namely ny totohondriny, hoy izy hoe, "Ratsy izao! Ary hamely an'izao aho indray andro any, raha ny aiko no vidin'izany." Ary any lavitra any, ao amin'ny tranom-bakoka iray any Chicago, no mipetraka ny akanjo iray miaraka amin'ny rà eo amboniny, izay nanafaka an'io maity io tamin'izany.

¹⁹⁴ Ary milaza aho fa ratsy ny fahotana sy ny sisa! Andriamanitra anie hanampy ahy hamely an'izany, sy ireo mpitoriteny rehetra an'ny Filazantsara. Nateraka ho afaka isika, zanak'Andriamanitra. Tsy manan-draharaha amin'ny fanekek-pinoana iray isika na fombam-pivavahana hampiditra antsika ao amin'ny Fiombonambe Maneran-tany an'ireo fiangonana. Olona nateraka ho afaka isika, ao amin'ny Fanahy Masina. Manana zò iray isika. Nivoaka avy tamin'io karazan-javatra io isika, mba ho pentekotista. Marina izany. Afaka isika ankehitriny. Tsy voatery ho voafatotra amin'ireo zavatra ireo indray isika.

¹⁹⁵ Fa nilaza ity mpividy ity, njery nanerana an'ireo andevony, zato na tahaka an'izany, tamin'izy ireo, teo amin'ny toeram-pambolena goavana iray, hoy izy hoe, "Hono ho'aho!" Lehilahy kely anankiray teo, tsy nila nikaravasy azy izy ireo; nibontsina ny tratrany, ary niakatra ny saokany, teo amin'ny asa mihitsy! Hoy izy, "Hono ho'aho! Te-hividy azy aho."

¹⁹⁶ Hoy izy hoe, "Oh, tsia!" Hoy ilay tompony hoe, "Tsy hamidy izy. Hah-ah."

Hoy izy hoe, "Eny, tsy andevo iray ve izy?"

Hoy izy, "Hia."

¹⁹⁷ Hoy izy hoe, "Eny, inona no manao azy ho hafa?" Hoy izy, "Hafa ve no hamahananao azy?"

Hoy izy hoe, "Tsia, mihinana ao anatin'ilay fihinanana eo izy rehetra ireo, miaraka."

Hoy izy, "Izy ve no sefo eo amin'izy ireo?"

Hoy izy, “Tsia, andevo iray fotsiny izy.”

“Eny,” hoy izy, “inona no manao azy ho hafa?”

¹⁹⁸ Hoy izy, “Fantatrao, efa nanontany an’izany aho, ny tenako. Fa,” hoy izy, “fantatrao, any amin’ny tanindrazana izay nihavian’izy ireo, any Afrika, ny rain’io zazalahy io dia mpanjakan’ny foko iray. Ary na dia vahiny iray aza izy, dia mitondra ny tenany tahaka ny zanaka mpanjaka iray.”

¹⁹⁹ Oh, nieritreritra aho, zavatra iray toy ny inona ho an’ny Kristianisma! Ry vehivavy, ajanòny ny fanaovana an’ireo akanjo tahaka an’izany ireo! Ry lehilahy, ajanòny io fitenenana vazivazy maloto amin’izy ireo io sy io karazan-javatra rehetra io! Zanakalahy sy zanakavavin’ilay Mpanjaka isika. Miakanjoa tahaka ny mpanjakavavy iray, miakanjoa tahaka ny—ny ramatoa iray. Mihetseha tahaka ny lehilahy mihaja iray, aza mamela ny volonareo haniry tahaka an’izao. Hoy ny Baiboly hoe, “Ratsy (mampianatra anareo ny natiora) ho an’ny lehilahy ny manana volo lava. Ary henatra sy zavatra ratsy ho an’ny vehivavy mihitsy aza ny mivavaka miaraka amin’ny volony tapaka.” Ary ahoana ny amin’ireto? “Izany dia ny—fahavetavetana ho an’ny vehivavy ny manao fitafian-dehilahy.” Tsy miova ilay Andriamanitra lehibe tsy miova. Kanefa tena navotsotra mihitsy tahaka ny sisa amin’ny firenentsika izany amin’izao andro izao. Henatra! Ndaoo isika hihetsika tahaka ny zanakalahy sy zanakavavin’Andriamanitra. Ndaoo isika hiaina tahaka an’izany. Isika dia, zanaky ny Mpanjaka iray isika. Izany isika. Izany isika. Izao ankehitriny izao io andiana fifangaroana sy loto ary fahalotoana io, manodidina eto, miantso ny tenany ho “Kristiana” ny olona nefo mbola mihetsika tahaka an’izany foana!

²⁰⁰ Fa tsarovy, nanana fandondòmana iray isika indray andro, ka nanokatra Azy hiditra, niala ny avonavona sy ny rehetra. Amena. Tsy ahoako izay iantsoan’izy ireo ahy!

Oh, ataoko fa lamaody antitra kely aho,

Fa ny Mpamponjiko dia lamaody antitra, ihany koa.

²⁰¹ Marina ve izany? Efa renareo ilay hira. Aoka ho lamaody antitra! Aza miezaka maka tahaka olon-kafa iray. Izy no Ohatrareo. Miezaha hitovy Aminy, dia hanampy anareo hanao an’izany ny Fanahy ao anatinareo. Ataovy mitovy amin’ny Azy ny fiainanareo.

²⁰² Hia, misy varavarana iray eo. Te-hiantso varavarana iray hafa aho. Mikorontan-tsaina loatra aho. Misy varavarana iray hafa eo, eo akaikin’io varavarana io mihitsy, mandeha mankeo amin’ny ilany ankavanana, ary io varavarana io dia ny varavarana’ny fiainanareo manokana. Oh! Oh, tsy tianareo hanakorontana an’izany Izy. “Ankehitriny, raha te-handeha any amin’ny fetim-pisotroana kely aho, dia ho Inonao izany? Fiagonana inona no hiteny amiko an’izay hataoko?” Ah-hah,

eo ianareo izao, hitanareo. "Ny ampahafolon'ny karamako? Iza no hiteny amiko an'izay hatao? Fiainako manokana izany! Izaho no mahazo an'ity vola ity. Manana ny fiainako manokana aho. Hanao sorta aho raha tiako ny hanao. Tombontsoako Amerikana manokana izany." Marina izany. Azo antoka. Marina.

²⁰³ Fa raha zanak'ondry iray ianareo, fa tsy osy iray, hitanareo, ireo zanak'ondry no Tadiaviny. Hisaraka izy ireo indray andro any.

²⁰⁴ Manana volon'ondry ny ondry iray. Izany no zavatra tokana ananany. Ary tsy afaka manamboatra an'io volon'ondry io izy. Tsy nangatahana hanamboatra ny vokatry ny Fanahy isika, fa ny *hitondra* ny vokatry ny Fanahy. Ary raha mbola ondry iray foana ilay izy, dia hitondra izy. Tsy voatery hanamboatra izy. Ireo glandy sy ny zavatra rehetra ao anatiny dia ondry, hanao volon'ondry izy satria ao anatiny dia manana an'ireo glandy sy ny adrénaline ary ny karazan-javatra ilainy hanamboarana volon'ondry.

²⁰⁵ Ary rehefa Kristiana iray ianareo, dia hifanaraka amin'ny Teny. Tsy ahoako izay lazain'olon-kafa. Tsy voatery hanamboatra na inona na inona ianareo, ary tsy hitondra na inona na inona, hisintona, hipaoompy. Kristiana iray ianareo. Mitondra vokatry ny Fanahy ho azy ianareo. Hitanareo? Hitanareo, ary tahaka an'izany ilay izy. Hitanareo?

²⁰⁶ Fa, ny olona amin'izao andro izao, tsy tian'izy ireo hiadaladala amin'ny fiainan'izy ireo manokana ianareo.

²⁰⁷ Ny zavatra tokana ataonareo, dia sokafy fotsiny ny varavarana tsirairay, dia manaova ankehitriny hoe, "Midira, Jesosy." Diniho izay mitranga. Rehefa mahita ianareo ao anatin'ny Boky, hoe natao hanao an'ity ianareo, dia ataovy ilay izy. Nahoana? Ondry iray ianareo, eo am-panombohana, arak'izany.

²⁰⁸ Fa raha te-hipetraka fotsiny ianareo, hihazona Azy eo am-baravarana, manao fotsiny hoe, "Nikambana tamin'ny fiangonana aho. Tsara tahaka anao fotsiny aho. Hitanao, nanaiky an'i Kristy aho." Angamba izany ihany no nataonareo. Fa efa nanao Azy ho *Tompo* ve ianareo? Hitanareo?

²⁰⁹ Ankehitriny, ny Tompo dia tsy afaka hametraka Bokimpitsipika iray sy hilaza Teny iray, nefo avy eo dia tonga ka handà an'Izany. Ary raha milaza ianareo fa manana ny Fanahy Masina, ary milaza zavatra anankiray hatao ny Baiboly, nefo hoy ianareo hoe, "Oh, izaho tsy mino an'Ity." Tsarovy fotsiny, io fanahy ao anatinareo io dia tsy ny Fanahy Masina, satria tsy afaka mandà ny Tenany Izy. Marina izany. Tsy afaka mandà ny Tenany Izy. Izy no nanoratra ny Teny, ary miambina an'Izany Izy, mba hanatanteraka an'Izany. Hitanareo? Noho izany ilay izy dia tsy ny Masina . . .

²¹⁰ Fanahy iray izany, eny àry. Izany dia mety ho—ho fanahimpiangonana iray. Mety ho ny fanahin'ilay pasitera izany. Mety ho ny fanahin'izao tontolo izao izany. Mety ho izany. Tsy fantattro hoe inona ilay izy, fa, na inona na inona ilay izy, mety ho fanahy ara-anaram-piangonana izany hoe, “Metodista aho. Batista aho. Presbyterana aho. Pentekotista aho. Izaho *ity*.” Pentekosta izany.

²¹¹ Tsarovy ankehitriny, mamele ahy hanitsy an'izany; tsy rafipandaminana iray ny pentekosta, ny pentekosta dia fahatsapana iray izay raisinareo. Ianareo Metodista, Batista, Katolika, sy ny rehetra, dia afaka mahatsapa ny pentekosta. Tsy afaka mikambana amin'ny pentekosta ianareo, satria tsy misy fomba ikambanana amin'izany.

²¹² Efa tao amin'ny fianakaviana Branham aho nandritry ny dimy amby dimampolo taona. Fantatrareo, tsy nangataka tamiko ho lasa Branham iray mihitsy izy ireo. Izaho dia teraka, Branham iray.

²¹³ Ary toy izany no maha-Kristiana iray anareo, teraka ho Kristiana iray ianareo. Marina izany, ankehitriny.

²¹⁴ Oh, io fiaianana manokana io! “Oh, teneniko aminao, ny pasiterako dia mandeha any amin'ireo dihy ireo, ary manao twist izahay. Manana an'izany izy ireo.” Eny àry. Hitanareo? “Aza tonga miteny amiko an'izay azoko atao sy izay tsy azoko atao.” Eny àry, hitanareo, tsy hamela Azy hiditra ianareo.

²¹⁵ Avelao fotsiny Izy hiditra indray mandeha, ary avy eo dia mandehana miverina any amin'ilay twist na ny rock-and-roll, na izay hataonareo, jereo izay azonareo atao. Tsy afaka manao an'izany ianareo. Avelao Izy hiditra indray mandeha, ary avy eo dia manomboha manao sorta, ny sasany aminareo vehivavy.

²¹⁶ Fantattro fa mihazona anareo ela be aho, saingy te-hilaza zavatra anankiray amboniny aho, raha mety tsara izany, mikasika an'ity.

²¹⁷ Ataoko, ny fivoriana lehibe indrindra izay hany navelan'ny Tompo hataoko ho Azy dia tany Bombay, izay nananako dimy hetsy, fa, ary roa hetsy mahery tany—tany Afrika, Durban, tao amin'ilay toerana fanaovana hazakazaka. Tamin'io tolakandro io, dia nilaza aho, rehefa avy nahita zavatra tena lehibe mahagaga izy ireo izay nidinan'ny Tompontsika mpiahysy nataony, hoy aho hoe, “Nampianatra anareo ny Teny ireo misionera, fa novelombelomina ny Teny ary natao velona. Izay Lazainy dia tonga amin'ny fiaianana.” Ary—ary avy eo rehefa nisy fanasitranana dimy arivo sy roa alina niseho tamin'ny fotoana anankiray, ary nisy famatrarana sy famatrarana an'ireo sezatsara traintainy teo; vavaka tsotra kely anankiray fotsiny, dia nahita ny Fanahy Masina fotsiny izy ireo... Ireo olona izay tsy nahafantatra akory aza hoe iza izy ireo ary avy taiza izy ireo, izay ihany no tian'izy ireo ho hita. Hitanareo?

²¹⁸ Dia nanontany aho hoe, “Firy no te-handray an’i Kristy?” Nisy telo alina no nitsangana, tena teratany, nitondra sampy.

²¹⁹ Dokotera Bosworth, Dokotera Baxter ary izy ireo, nanomboka nitomany. Ary nihazakazaka Rahalahy Bosworth, nanao—nanao hoe, “Rahalahy Branham, izao no andro fanasalorana anao.”

²²⁰ Hoy Rahalahy Baxter hoe, “Rahalahy Branham, manontany aho, neveriko fa ny fanasitranana ara-batana no tian’izy ireo nolazaina.”

²²¹ Teo amin’ny tānany sy ny lohaliny io zazalahy io. Ary niteny taminy ny Fanahy Masina hoe avy taiza izy, inona no nitranga, nanao hoe, “Hiresaka ianao. Eritrereto ny rahalahinao, eo amin’ny antsasaky ny maily izy ery aorianery. Nitaingina osy mavo iray izy, ary narary ny ranjony.” Hoy aho hoe, “Saingy, HOY NY TOMPO HOE, sitrana izy.” Indro tonga ilay zazalahy, niaraka tamin’ny tehina teny an-tānany, tahaka an’izao. Ary nila roapololo minitra izy ireo mba hampitonian’ny milisy azy ireo.

²²² Avy eo io zazalahy io, teo amin’ny tānany sy ny tongony, tahaka an’izao, ambany, tsy afaka nitsangana akory aza, nitanjaka. Oh, oadray, tena zavatra mahatsiravina! Nihevitra izy fa tonga teo ho an’ireo mpizaha tany, fantatrareo, karazan’ny hanao an’ilay—ilay dihin’ny aty ala. Dia nalaiko ilay rojo ka nahozongozoko izany. Hoy aho hoe, “Raha afaka hanampy an’ity olona mahantra ity aho, nefy tsy hanao an’izany, izaho dia ho. . . Tsy mendrika ny hitsangana eto aorianeo eto aho. Fa,” hoy aho hoe, “tsy afaka manampy azy aho. Fa manana fanomezam-pahasoavana kely iray aho ankehitriny, afaka mampifandray an’izany fotsiny aho, na inona na inona lazain’ny Tompo.”

²²³ Ary rehefa naneho ny Tompo, niteny taminy hoe iza izy, nanao hoe, “Ny reniny sy ny rainy dia mipetraka eo, Zoulous izy ireo.” Ary nanao hoe, “Mahia izy ireo, tsy mahazatra” Ny Zoulou iray ara-keviny dia telonjato livatra, isaky ny lehilahy. Koa avy eo dia nanao hoe, “Tsy mahazatra izy ireo. Fa ity zazalahy ity dia teraka tao amin’ny tokantrano Kristiana iray, satria eo amin’ny . . . eo amin’ny ilany ankavanana, raha mandeha eo amin’ny varavarana ianareo, dia misy sarin’i Kristy iray, ao anatin’ny trano bongo kely bozaka iray.” Ary marina tokoa izany. Nitsangana ny reniny sy ny rainy. “Ary izao no anarany” Izany izy, sy ny zavatra rehetra. Tsy nety nahazo izy ireo. Nijery indray aho ary nahita azy nitsangana, tao amin’ny fahitana teo, nahitsy arak’izay nety naha-izy azy. Tsy mbola nitsangana mihitsy, teo amin’ny fiainany, teraka tahaka an’izany izy. Hoy aho hoe, “Manao anao ho salama ny Tompo Jesosy.”

²²⁴ Tsy tao amin’ny sainy tsara akory aza izy, niezaka ny nanao hoe, “ah, ba, ba, ba,” tahaka an’izany.

²²⁵ Dia nalaiko ilay rojo, ary nahozongozoko ilay izy tahaka an’izao. Hoy aho hoe, “Jesosy Kristy, anaka, no manao anao

ho salama. Mitsangàna.” Indro izy nitsangana. Nikoriana ireo ranomaso, ary hatreny amin’ny kibony mainty, raha nidina tahaka an’izany izy. Efa nahita tena teratany telo alina nanolotra ny fony ho an’i Jesosy Kristy aho.

²²⁶ Rehefa tany amin’ny Kiwanis Club iray, nilaza aho ankehitriny... Ary miteny amiko izy ireo fa izaho dia “ho lasa holy roller iray” rehefa niala tamin’ilay fiangonana Batista, mba ahafahako miombona amin’ny olona rehetra. Hoy izy ireo hoe, “Eny, ho lasa holy-roller iray ianao,” nipetraka aho. Andian’ireo rahalahiko Batista no nilaza. Hoy aho hoe, “Efa nandefa misionera tany ianareo, nandritr’ireo dimampolo amby zato taona farany, inona no hitako tamin’izy ireo? Mbola nitondra sampy foana.” Hoy aho hoe, “Fa ny herin’ny fitsanganan’i Jesosy Kristy, dia telo alina no nandray an’i Kristy tamin’ny fotoana anankiray.”

²²⁷ Ankehitriny dia te-hilaza aminareo vehivavy aho, fantatrareo ve izay nitranga tamin’ireo vehivavy ireo? Hoy aho hoe, “Eo amin’ireo tany izay itsangananareo mihitsy, dia hameno anareo ny Fanahy Masina.” Ary rehefa nanangana ny tànany izy ireo mba handray an’i Kristy ho Mpamponjin’izy ireo, ary rehefa nandeha niala avy teo izy ireo; nitanjaka, ankehitriny, tsy nisy afa-tsy tapa-damba kely fotsiny, ravin-damba, teo aloha. Fa rehefa nandeha niala avy teo izy ireo, dia nanakombona ny sandriny tahaka an’izao, satria teo amin’ny fanatrehan’ny lehilahy izy ireo, rehefa avy nanaiky an’i Kristy.

²²⁸ Ankehitriny dia ahoana no ahafahantsika, ranabavy, ahoana no ahafahantsika ato amin’ity firenena ity izay iamboantsika fa mino ary Kristiana, nefä isan-taona dia manaisotra betsaka izy ireo? Nefa, io olona io dia tsy mbola nandre ny Anaran’i Kristy mihitsy akory aza, fa nanaiky Azy fotsiny tao am-pon’izy ireo. Tsia, tsy afaka hiteny amin’izy ireo ianareo hoe nitanjaka izy ireo, tsy fantatr’izy ireo izany. Fa nandrakotra ny tenany izy ireo tahaka an’izao, lasa nandeha. Ny andro nanaraka, na roa andro, dia nahita azy ireo nanao akanjo ianareo, tamin’ny karazany iray. Oh, oadray!

²²⁹ Misy zavatra tsy mety any ho any. Fanodinkodinan’ny teolojia izany. Ny herin’ny fitsanganan’i Jesosy Kristy, tahaka ny Nataony tamin’ilay lehilahy izay nantsoina hoe “Legiona,” hitantsika izy niakanjo ary tao amin’ny sainy tsara. Ary manomboka mino aho fa fanahy iray eo amin’ny olona no mitarika azy ireo mankao amin’io Amerikanisma sy Frantsaismio, ary ireo kazarana izao tontolo izaoisma sy fiangonanisma. Fa avelao izy ireo hanatona indray mandeha an’io Mpampianaträ io, ka hahatsapa an’io fandondònana eo amin’ny varavarana io, hanao akanjo izy ireo ary hihetsika tahaka ny vehivavy sy lehilahy, ary ho Kristiana nateraka indray izy ireo. Amena. Eny.

²³⁰ Ankehitriny dia vita ny amiko, amin'ny roa ambin'ny folo latsaka roapolo minitra, izao fotsiny—minitra vitsy fotsiny, mamele ahy handingana sasantsasany. Vetivety fotsiny, Soratra sasantsasany, tiako ny hanokatra varavarana anankiray amboniny. Ho mety tsara ve izany?

²³¹ Ny varavarana manaraka, mankeo, dia ny finoana. Hitanareo, ny fiainanareo manokana...varavarany avonavona, ny fiainanareo manokana, ankehitriny dia ndao isika hanokatra ny finoana. Faribolana iray manontolo amin'izy ireo mihitsy, hitanareo, fa ndao isika hiditra ao amin'ny finoana.

²³² Fantatrareo, fotoana vitsy lasa izay dia tao amin'ny hopitaly iray aho ary vehivavy iray handeha eo ambanin'ny fandidiana iray. Niantso ahy izy, hoy izy hoe, "Ranadahy Branham, mpiverin-dàlana iray aho. Hivavaka ho ahy ve ianao?"

²³³ Hoy aho hoe, "Eny, madama, ho faly aho ny hivavaka." Hoy aho hoe, "Mpiverin-dàlana iray ve ianao?"

"Hia."

²³⁴ Hoy aho hoe, "Ankehitriny dia ndao isika hiandry iray minitra fotsiny. Mamelà ahy hamaky aminao an'ireo Soratra."

²³⁵ Nisy ramatoa iray nandry teo tao amin'ny fandriana iray, njery ahy, tena hafahafa; izy, ary izy sy ny zananilahy teo amin'ny roapolo taona teo, Ricky ara-dalàna iray mihitsy, ary nitsangana teo njery ahy tahaka an'izao.

²³⁶ Dia hoy aho hoe, "Eny, madama," hoy aho. Namaky ny Soratra taminy aho hoe, "Na dia tahaka ny jaky aza ny fahotanareo, dia ho fotsy toy ny oram-panala izy ireo. Na dia mena tahaka ny sily aza izy ireo, dia ho fotsy tahaka ny volon'ondry." Ary rehefa namaky an'izany taminy aho, dia hoy aho hoe, "Raha efa very lèlana ianao, hitanao, dia ianao no nanalavitra an'Andriamanitra, fa tsy Andriamanitra mihitsy no nanalavitra anao, raha tsy izany dia tsy ho niantso ahy ianao." Nanomboka nitomany izy. Hoy aho hoe, "Hivavaka isika."

²³⁷ Io ramatoa tao amin'ilay fandriana teo anilany io, nanao hoe, "Andraso iray minitra! Andraso iray minitra eo!"

Hoy aho hoe, "Eny, madama?"

Hoy izy hoe, "Sintony io lamban'efitra io!"

Dia hoy aho hoe, "Tsy Kristiana ve ianao?"

Hoy izy hoe, "Metodista izahay!"

²³⁸ Hoy aho hoe, "Eny, inona no idiran'izao amin'izany? Hitanao, izany dia tsy mihoatra ny filazana fa ianao dia—ianaо dia zanatsoavalny iray, raha tao anaty tranon-kisoa iray ianao, hitanao." Hoy aho hoe, "Tsy midika zavatra iray izany." Hitanao?

²³⁹ Fa, hitanareo, eo no ahatongavan'izany, io fanamarinan-tena io. "Manohitra ny finoanay izany!" Nilaza aho ny... "Tsy mila fanasitravana avy amin'Andriamanitra izahay ao amin'ny

fiangonanay, na io karazan-javatra io.” Hitanareo, hitanareo ve izay tiako lazaina? Hitanareo, tsy havelan’izy ireo hidirana io varavarana io. “Manohitra ny finoanay izany.”

²⁴⁰ Finoana anankiray ihany no misy. “Finoana anankiray, Tompo anankiray, batisa anankiray.” Io Finoana io!

Ny finoako miandranda Anao,
Ianao ry Zanak’ondrin’i Kalvary,
Mpamony Masina;
Ankehitriny henoy aho raha mivavaka,
Esory ny tsi-finoako rehetra,

²⁴¹ Fahotana! Fahotana, anankiray ihany ny fahotana, izany dia ny tsi-finoana. Tsy mpanota iray ny lehilahy iray izay misotro. Hitanareo, izany—izany—izany, hitanareo, dia tsy fahotana. Izany dia tsy—tsy fahotana ny misotro. Tsy fahotana ny mijangajanga. Ny mandainga, ny mangalatra, tsy izany no fahotana. Ireo toetran’ny tsi-finoana izany. Raha efa mpino iray ianareo, dia tsy ho nanao an’izany, hitanareo.

²⁴² Anankiroa ihany no misy, tsi-mpino iray ianareo na mpino iray, hitanareo, ny anankiray na ilay hafa. Tsy manao an’ireo zavatra rehetra ireo ianareo sy ireo didim-pivavahana tahaka an’izany, satria fotsiny hoe tsi-mpino iray ianareo; raha mpino iray ianareo, dia ny Teny no inoanareo, satria Kristy no Teny. Hitanareo? Ary noho izany dia tsi-mpino iray fotsiny ianareo satria dia mino fombafomba iray, na dogma sasantsasany izay nampiana tao amin’ny Baiboly, na zavatra iray, ary izay ataon’ireo anaram-pianganana. Fa ny tena mpino iray dia mipetraka tsara amin’ity Teny ity. Ary miasa amin’ny alàlan’ity Teny ity mihitsy Andriamanitra, amin’ny alàlany mihitsy mba hanao Azy hiseho, ao amin’ity taranaka izay iainantsika ity.

²⁴³ Ary mariho ankehitriny, ary hoy ianareo hoe, “Oh, izaho... Rahalahy Branham, ny Tompo...” Eny, mety tsara daholo izany, nisy Filistina tsy mifora nandeha indray mandeha, ihany koa. Ary nanandrana nanaraka an’i Mosesy ny andiana Egyptiane iray niampita ny—ny Ranomasina Mena, saingy ilay izy tamin’ny farany... “Tahaka ny nanoheran’i Jana sy Jambra an’i Mosesy, eny, dia mahita an’ilay zavatra iray ihany isika amin’ny andro farany,” hoy ny Baiboly.

²⁴⁴ Lavidavitra kely fotsiny ankehitriny. Nilaza Jesosy eto, ao amin’ity—ity taona ity hoe, “Satria ianao dia milaza hoe, ‘Manan-karena aho, ary mitombo fananana.’” Jereo fotsiny hoe ahoana isika amin’izao andro izao, ilay fiangonana manan-karena indrindra hany nisy! Ary, eny, fantatrazo, ho lasa lavitra tsaratsara kokoa ianareo Pentekosta raha tany niaraka tamin’ny amponga tapaka, teny amin’ny zoron-dàlana, tahaka ny rainareo sy reninareo. Saingy nanana fiangonana tsaratsara kokoa noho ny sisa amin’izy ireo ianareo ankehitriny, mitombo haingana indrindra eto amin’izao tontolo izao; fa

aiza io Fanahin'Andriamanitra izay teo anivontsika io taloha? Nilaozanareo ilay tena zavatra. "Satria hoy ianao hoe, 'Manan-karena aho.'"

²⁴⁵ Tsarovy, ny Pentekotista no resahan'ity, satria ny taona Pentekotista no taona farany. Hitanareo, io fifohazana rehetra izay nananantsika io, tsy misy rafi-pandaminana hafa nanomboka. Tsy hisy. Ity no farany. Masaka ilay vary ankehitriny. Nandalo an'ireo ravina izy, sy ireo taho, sy akofa, ary mivoaka mankao amin'ny vary izy ankehitriny. Hitanareo, tsy hisy intsony. Nanomboka Fara-Orana kely iray izy ireo, saingy nianjera fotsiny mihitsy izany; ny zavatra hafa rehetra dia hianjera. Hianjera izy ireo. Ity no vary izay tonga. Mariho.

²⁴⁶ "Ary satria hoy ianao hoe, 'Manan-karena aho, ary mitombo fananana, tsy mila na inona na inona,' nefà tsy fantatrao fa ianao dia ory, mahantra, jamba, mitanjaka, nefà tsy fantatrao izany; manoro hevitra anao Aho . . ." Oh, oadray! "Mandondòna eo amin'ny varavaranao Aho." [Mandondòna eo amin'ny zavatra iray Rahalahy Branham—Mpand.] "Ry Laodikia, mandondòna eo amin'ny varavaranao Aho, ary manoro hevitra anao hanatona Ahy, ka—ka hividy volamena voadio tamin'ny afo; akanjo fotsy, mba tsy hisehoan'ny fitanjahanao."

²⁴⁷ Esory ireo zavatra ireo, ary manaova arak'izay tokony hanaovanareo, hitanareo, ny fahamarinan'i Kristy, ireo Teny. Tsy ny fahamarinako; ny Fahamarinany!

²⁴⁸ "Ary manoro hevitra anao koa Aho mba—mba ho avy, hividy odi-maso iray, mba ahafahanao manosotra ny masonao, mba ahafahanao mahita. Odi-maso!"

²⁴⁹ Kentuckiana iray aho. Teraka tany amin'ireo tendrombohitra aho, ary nanana toerana kely iray izahay taloha tao amin'ilay efitra tampony ambony. Ary izahay ankizy dia nanamboatra to—tohatra hazo tranainity kely iray, izay niakaranay isan'alina. Ary nandry izahay. Tsy maintsy nametraka lamba fanaovana lain-tsambo teo amboninay izy ireo rehefa tonga ny oram-panala. Eny, ireo kintana, ireo rindrin-kazo mitsivalana tranainity . . .

²⁵⁰ Firy no mahafantatra hoe inona ny rindrin-kazo mitsivalana iray? Eny, rahalahy, nahoana aho no tsy nanao ny salopetiko eto? Ato an-trano mihitsy aho, hitanareo. Eny, ireo rindrin-kazo mitsivalana tranainity!

²⁵¹ Firy no mahafantatra hoe inona ny kidoro mololo iray? Ankehitriny dia inona no fantatrareo! Nihevitra aho fa nahatsapa ho tena mpivavaka tokoa aho mikasika zavatra iray. Eny, ataoko fa ato an-trano mihitsy aho ankehitriny. Tsara izany. Ary tsy nahafantatra na inona na inona hafa mihitsy aho raha tsy vao taona vitsy lasa fotsiny izay.

²⁵² Firy no mahafantatra hoe inona ny fanilo tranainity iray, fivoahan-tsetroka tranainity iray, mahafantatra? Volana tranainity

goavana iray izany, ary vorondolo no eo amin'ny ilany. Tsy maintsy nanana an'ilay tànana kely indrindra izy ireo taloha tao an-trano, tsy maintsy hanadio an'io sinibe tranaindy io, fantatrareo. Tsy maintsy naka fanatobahana tranaindy iray aho taloha, ary nitobaka teo amiko daholo ilay izy; noho izany dia nalaiko io fanilon'ny fivoahan-tsetroka io ka nahodiko tany ilay izy, mba hisakana azy tsy hitobaka. Eny, tokoa.

²⁵³ Ankehitriny, ny raibeko dia mpamandrika iray. Ny renin'ny reniko dia avy any amin'ireo faritra arovana. Nanambady zazavavy Indiana iray avy tamin'ireo faritra arovan'i Cherokee any Kentucky sy Tennessee izy, fantatrareo hoe aiza, ilay lohasahan'ny Cherokee. Ary, izy ireo, izy-nihaza sy namandrika izy, isan'andro, izany no—izany no fomba nanaovany ny fivelomany.

²⁵⁴ Ary nandry tao ambony tao izahay ankizy, nahoana, indraindray dia tena mangatsiaka ny andro. Ary tonga avy ao io tsio-drivatra io, tratry ny hatsiaka izahay eo amin'ny masonay, ary—ary niraikitra nikatona ny masonay tamin'io alina io, fantatrareo. Mama dia niantso an'ilay izy hoe "zavatra." Izaho tsy—tsy fantatro hoe inona izany, fa niditra tao anatin'ny masonay ny hatsiaka, ary tratry ny hatsiaka izy. Dia hoy izy hoe, "Manana zavatra ianareo ao anatin'ny masonareo," nohon'ny—ny, fantatrareo, ilay tsio-drivatra mihodinkodina eo, tonga eo ilay rivotra mitsoka amin'ny alina. Nivonto nikimpy ny masonay.

²⁵⁵ Dia tonga eo amin'ny tohatra i mama, ny maraina, rehefa avy nanamboatra an'ireo bisky izy. Napetrany teo ambonin'ny latababtra ireo jabora sorgho. Dia hoy izy hoe, "Billy!"

Hoy aho hoe, "Eny, mama?"

"Midina ianao sy Edward."

²⁵⁶ "Mama, tsy afaka mahita ahol!" Nantsoiko ny rahalahiko, izahay dia miantsa azy hoe, "Humpy." Hoy aho hoe, "Izy dia tsy afaka mahita, koa. Hitanao, tratran'ny zavatra ao anatin'ny masonay."

Hoy izy hoe, "Eny àry, iray minitra fotsiny."

²⁵⁷ Ary dadabe, rehefa nahazo raton laveur iray izy. Firy no mahafantatra hoe inona ny raton laveur iray? Izany dia, ary izy dia... Nahazo raton laveur iray izy, esoriny ilay taviny avy amin'izany ary apetrany ao anatin'ny boaty iray izany. Ary io jaboran'ny raton laveur io dia fanafodin'ny rehetra tao amin'ny fianakavianay. Nomen'izy ireo anay izany ho an'ny sery mahery, miaraka amin'ny téribenthine ao anatin'ny, ary solitany. Natelinay izany ho an'ny aretin-tenda. Avy eo dia maka an'io jabora mafana an'ny raton laveur io izy, tonga izy ary manotra ny masonay, dia lasa misokatra ny masonay. Hitanareo, ny jaboran'ny raton laveur no nanao an'izany. Hitanaereo?

²⁵⁸ Ankehitriny, rahalahy, ranabavy, nandalo fotoan'ny hatsiaka iray isika, tao amin'ny fiangonana. Marina izany, rivo-pivavahana maro no nandalo, tratry ny sery ny olona rehetra. Olona maro no manana ny masonry mikimpy, ary misy Fiombonamben'ireo Fiangonana Maneran-tany goavana iray mandroso, eto, izay hanery ny tsirairay avy aminareo hiditra ao anatin'izany. Manalavitra an'io Teny io izy ireo, manalavitra ireo vondrontsika manokana. Voafatotry ny Hafatra iray aho; tsy ny ho hafa, fa nohon'ny fitiavana. Ny fitiavana dia manitsy. Miverena! Mialà lavitra an'io zavatra io! Ianareo rahalahy mitory teny, tsy ahoako izay ataon'ny vondronareo, mialà lavitra an'izany! Mijanòna any ivelan'izany! Izany no mariky ny bibidia, mialà lavitra an'izany! Hitanareo, mandondòna Jesosy ao amin'ity taonan'i Laodikia ity. Hitanareo ve hoe taiza no nandroahan'izy ireo Azy? Miezaka hahazo ny isam-batan'olona Izy, tsy–tsy rafi-pandaminana sy vondron'olona. Miezaka Izzy ny hahazo anankiray eto, ary anankiray etsy, ary anankiray etsy, miezaka. “Izay rehetra Tiako, no Faiziko.”

²⁵⁹ Tahaka an'ilay rahalahy kely izay nahazo an'ilay fahitana teto, ary nilaza fa nanana an'ilay fahitana izy. Ary hoy izy, “Io Hazavana iray ihany izay noraisinareo io, no hahatonga ny fahafatesanareo, ihany koa.” Hitanareo?

²⁶⁰ “Izay Tiako, no Faiziko; mazotoa, ary miverena. Mitsangana eo am-baravarana Aho, ka mandondòna.” Ankehitriny, jereo, tsy hahavita soa mihitsy ny jaboran'ny raton laveur.

Fa misy Loharano iray feno Rà,
Nosintonina avy tamin'ny làlan-dràñ'Imanoela,
Rehefa mitsoboka ao ambanin'ilay riaka ireo
mpanota,
Dia very ny pentimpentin'ny fahadisoany rehetra.

Ilay mpangalatra maty nifaly mba hahita
An'ilay Loharano tamin'ny androny;
Eo aho no tokony, na dia ratsy aza izy,

²⁶¹ Nanokatra ny masoko Izy, tamin'ny Odi-masonry. Nidina Ny Fanahiny ka nanafana ny Baiboly, ny Odi-masonry. Tsy afaka nahita an'Izany aho. Pasitera Batista iray, teo an-toerana fotsiny aho. Fa indray andro dia nandefa Ny Fanahiny Izy, tsy ilay jaboran'ny raton laveur no Nafanainy, fa nandefa ny Fanahy Masina sy ny afo Izy! Ary odi-maso kely no nitety ny Baiboliko—ireo Baiboliko...ka afaka nahita tamin'ny masoko aho, ny tiako lazaina dia nitety ny masoko mba ahafahako mahita ny Baiboliko. Ary hitako fa, “Izy no tsy miova omaly, anio, ary mandrakizay. Aoka ny tenin'olona rehetra ho lainga, fa ny Ahy ho marina. Mitsangana eo am-baravarana Aho, ka mandondòna.”

²⁶² Tantara kely iray amboniny. Manam-potoana ve isika? Hia, hia, avy eo dia handeha aho, hitanareo.

²⁶³ Nisy antitra mainty iray tany Atsimo. Ary, ny pasiterany, fantattro izy, lehilahy antitra iray mahafinaritra. Izahay dia niantso azy hoe Gabe. Ny anarany dia Gabriel, fa izahay dia niantso azy fotsiny hoe Gabe. Izy isan'andro, izaho sy pasitera, izahay—nandeha nihaza izahay, imbetsaka. Rahalahy antitra mainty hoditra iray izy, ary nandeha nihaza izahay. Ary noho izany i Gabe antitra dia tia mihaza tsaratsara kokoa noho ny olona iray izay hany fantattro, saingy mpitifitra iray mampalahelo izy. Noho izany, indray andro dia nandeha nihaza izy sy ny pasiterany.

²⁶⁴ Ary tsy afaka nitondra an'i Gabe antitra hilahatra amin'ny fiangonana mihitsy izahay. Tsy te-hanao an'izany fotsiny izy. Tsy te-handeha any am-pianganana izy. Hoy izy hoe, "Ah, tsy handeha any amin'izay misy an'ireo mpihatsaravelatsihy aho."

²⁶⁵ Hoy aho hoe, "Fa, Gabe, raha mbola mijanona any ivelany foana ianao, dia goavana kokoa noho ianao izy ireo. Miafina ao ambadik'izy ireo ianao, hitanao." Hoy aho hoe, "Miafina ao ambadik'izy ireo ianao. Kely kokoa noho izy ireo ianao; mandeha izy ireo ary manao ezaka iray, hitanao."

²⁶⁶ Ary noho izany dia hoy izy hoe, "Izaho—izaho—izaho—izaho—manaja anao betsaka aho, Atoa. Bill. Saingy," hoy izy, "izaho—izaho—izaho—fantattro fa mandeha any i Jones antitra, ary tsinontsinona izy; milalao kodiakely izy, ary io rehetra io."

²⁶⁷ Hoy aho hoe, "Mety tsara izany, Gabe. Hitanao, mety tsara izany. Fa, tsarovy, tsy maintsy hamaly ny amin'izany i Jones; ianao tsy voatery, hitanao. Raha mandeha fotsiny ianao..." Hoy aho hoe, "Manana pasitera tsara iray ianao."

²⁶⁸ "Oh, Pasitera Jones no anankiray amin'ny lehilahy mahafinaritra indrindra izay misy ato amin'ny faritra!"

²⁶⁹ Hoy aho hoe, "Aoka izy no ohatrao, raha tsy afaka mijery lavitra kokoa noho izany ianao. Aoka izy no ohatrao."

²⁷⁰ Noho izany dia nilaza Rahalahy Jones indray andro, nitondra an'i Gabe antitra nihaza, ka nanao hoe, "Nahazo bitro sy vorona betsaka izahay, tamin'io andro io, ka zara izahay raha afaka nitondra." Dia hoy izy, "Tonga izahay ny hariva." Hoy izy, "Nanaraka taoriana i Gabe antitra, ary ny rehetra navesatra entana, fantatrareo, tahaka an'izany." Ary ny vadiny dia tena Kristiana iray, mahatoky. Nanana toerana iray mihitsy izy tany, vehivavy iray feno ny Fanahy Masina, ary teo amin'ny toeran'andraikiny foana izy. Noho izany izy dia... Nanaraka taoriana i Gabe antitra, fantatrareo. Ary nilaza i Pasitera Jones fa njery manodidina izy, afaka nahita izy hoe, "Nanohy njery teo amin'ny sorony i Gabe antitra, tahaka an'izao. Silentika ny masoandro," hoy izy, "lasa tena ambany, lasa nangatsiaka." Hoy izy, "Afaka kelikely," nilaza fa nandeha izy, hoy izy, "nanatona i Gabe antitra. Nanana ny tahom-basiny feno bitro sy vorona izy,

sy ny sisa.” Hoy izy, “Nikapokapoka an’ilay pasitera teo amin’ny soroka izy, ka nanao hoe, ‘Pasitera?’”

Hoy izy, nitodika, nanao hoe, “Hia, Gabe, inona ny olana?”

²⁷¹ Noho izany dia njery izy, ary ranomaso goavana be no nikoriana teo amin’ny takolany mainty, izay nisy an’ireo volombavany nivadika fotsy. Hoy izy hoe, “Pasitera, efa ela no nandehanako tamin’ity morona eto ity, nandrity ny teo amin’ny antsasak’adiny teo.” Hoy izy, “Efa nandinika an’io masoandro io nilentika aho.” Hoy izy, “Fantatrao, ireto volombavako fotsy ireto, ary ny voloko mivadika,” hoy izy, “fantatrao, eo am-pilentehana ihany koa ny masoandroko, pasitera.”

²⁷² Hoy izy, “Marina izany, Gabe.” Dia nijanona fotsiny izy ary nitodika, nanao hoe, “Inona ny olana aminao?”

²⁷³ Hoy izy hoe, “Ny masoandroko dia nilentika, ihany koa.” Hoy izy hoe, “Mba fantatrao moa?” Hoy izy, “Nieritreritra aho,” hoy izy, “raha nandeha tany.” Hoy izy hoe, “Fantatrao,” hoy izy, “tsy maintsy tia ahy ny Tompo.”

Hoy izy, “Azo antoka, tia Izy, Gabe.”

²⁷⁴ Hoy izy, “Fantatrao, mpitifitra mampalahelo aho.” Hoy izy, “Tsy afaka mahavoa na inona na inona aho, nefà,” hoy izy, “izahay—tena mila an’ity hena ity marina tokoa izahay any antranoo.” Dia hoy izy, “Jereo fotsiny ilay andiana haza goavana izay Nomeny ahy, ireto vorona ireto sy ireto bitro ireto.” Hoy izy hoe, “Nahazo ampy hitahiry anay mandrity ny herinandro manaraka aho.” Hoy izy, “Tsy maintsy nitia ahy Izy, satria tsy afaka mahavoa na inona na inona aho, fantatrao.” Hoy izy, “Tsy afaka nahavoa azy aho, fa jereo fotsiny izay Nomeny ahy.” Noho izany dia hoy izy hoe, “Tsy maintsy tia ahy Izy, fa raha tsy izany dia tsy ho Nomeny ahy ity.”

Hoy izy, “Marina izany.”

²⁷⁵ Dia hoy izy hoe, “Eny, nanana fandondònana hafahafa kely iray aho teo amin’ny varavarako, tato ambany tato. Niteny tamiko Izy mba hitodika, nanao hoe, ‘Gabe, ny masoandronao dia nilentika, ihany koa.’” Hoy izy, “Pasitera, fantatrao ve izay nataoko, pasitera?” Hoy izy hoe, “Nanao fampanantenana iray Taminy aho.”

²⁷⁶ Hoy izy hoe, “Gabe, te-hanontany zavatra aminao aho.” Hoy izy, “Inona ny toriteny notoriako izay nanao anao hahatsapa tahaka an’izany?” Hoy izy hoe, ilay pasitera, na nanao hoe, “Andraso iray minitra,” hoy izy, “inona—inona—inona no nohirain’ny antoko mphihira?”

²⁷⁷ Hoy izy hoe, “Oh, azo antoka fa tena tiako io fihirana any am-pianganana io, pasitera.” Hoy izy hoe, “Tiako ny hafatra tsirairay izay torianao, satria avy amin’io Boky tsara io mihitsy izany, ary fantattro fa marina izany. Fa,” hoy izy, “tsy izany ilay izy.” Hoy izy, “Nandondònna fotsiny Izy, dia njery manodidina

aho teto, ka nahita hoe tsara tamiko toy ny ahoana Izy, izay Nomeny ahy.” Hoy izy hoe, “Amin’ny Alahady maraina, dia handeha eo aloha eo amin’izay itsangananao mihitsy aho.” Hoy izy hoe, “Homeko anao ny tànako ankavanana,” hoy izy, “satria efa nomeko an’ny Tompo ny foko, teo akaikin’ilay havoana mihitsy.” Hoy izy hoe, “Hatao batisa aho, ary handray ny toerako avy hatrany eo anilan’ny vadiko. Ary hijanona eo aho mandrapiantson’ny Tompo ahy amin’ny avo kokoa.” Hitanareo, sendra njery manodidina fotsiny izy ka nahita hoe tsara taminy toy ny ahoana Andriamanitra.

²⁷⁸ Misionera iray aho. Raha afaka mijery amin’ny alàlan’ny maso izay ijereko ankehitriny ianareo, ka mahita toerana Indiana iray, ireo vahoaka kely noana, matin’ny hanoanana eny an-dàlambe ireo reny, tsy afaka mitomany intsony akory aza ireo zanany kely, nohon’ny hanoanana, nefà eritrereto fotsiny izay nananantsika eto amin’izao andro izao. Jereo ireo fiara izay nahatongavanareo. Jereo ireo akanjo izay anaovanareo. Jereo hoe manan-karena toy ny ahoana ianareo. Ry sakaiza, tsy afaka mahatsapa an’io fandondònana kely any ho any io ve ianareo?

Ndaô isika hivavaka.

²⁷⁹ Miaraka amin’ny lohantsika miondrika, sy ny fontsika, raha mandeha haingana ireo minitra ankehitriny, eo amin’ny mitataovovonana latsaka fito minitra. Ry rahalahiko, anabaviko, ny siansa dia miteny amintsika fa amin’ny misasak’alina latsaka telo minitra izao. Ankehitriny raha afaka mijery manodidina fotsiny ianareo, ary mieritreritra mandritry ny iray minitra fotsiny. Ireo zanakareo kely mipetraka eo akaikinareo eo. Firy ireo sembana kely . . .

²⁸⁰ Jereo ny vadinareo mahafinaritra, rahalahy, ka eritrereto hoe lehilahy firy izay manana an-tapitrisany dolara, ary tia vehivavy iray amin’ny fony rehetra, mpandeha any amin’ny trano fisotroana izy. Hanome ny an-tapitrisany mangatsiaka izy hanao an’io vehivavy io hitia azy tahaka ny itiavan’ny vadinareo anareo. Ary ianareo, ry vady vavy, vehivavy firy . . .

²⁸¹ Reny firy eto izao maraina izao no miaraka amin’ireo zanany kely, ray firy; nahoana, oadray, misy lehilahy maro mijery farafaran-jaza iray, manjoko antitra kely iray, zavatra kely mampalahelo, mandringa, nefà jereo hoe ankizy mahafinaritra toy ny inona no anananareo. Hitanareo? Ary antitra kely maro, angamba . . .

²⁸² O Andriamanitra! Misy zavatra betsaka mihitsy, raha hijery fotsiny ianareo. Efa tena tsara tamintsika Amerikana Izy. Ankehitriny dia tsy afaka mahatsapa fotsiny ve ianareo fa te-hanana odi-maso kely iray, izao maraina izao hoe, “Sokafy lavidavitra kely kokoa ny masoko, Tompo, sokafy ny masoko”? Tahaka ny nihiran’ny anabavintsika maha-te-ho tia hoe, “Eo

amin'ny tsintsina ny Masony, tsintsina kely iray fotsiny, ary fantatro fa miambina ahy Izy.”

²⁸³ Ankehitriny dia miambina anareo mihitsy Izy ankehitriny. Afaka mandre fotsiny ve ianareo, ao ambany ao any ho any, fandondònana kely iray tahaka an’izao, [Mandondònà eo amin’ny zavatra iray Rahalahy Branham—Mpand.], “Mamangy Aho, izao maraina izao”? Izany no voninahitra lehibe indrindra izay hany azo naloa, raha afaka mahatsapa an’io fandondònana ao amin’ny fonareo io ianareo.

²⁸⁴ Hanangana ny tànanareo fotsiny ve ianareo, hanao hoe, “Amin’ny alàlan’ity, Tompo, amin’ny alàlan’ny Fanampianao sy ny Fahasoavano, manomboka androany, dia hiaina akaiky Anao arak’izay fantatro hiainana aho. Izay ihany no fantatro angatahana Aminoao”? Andriamanitra hitahy anao. Andriamanitra hitahy anao. “Amin’ny alàlan’ny Fanampianao sy ny fahasoavano, androany, manomboka androany, dia tsy ho hadinoko mihitsy izao.”

“Indro, mitsangana eo am-baravarana Aho, ka mandondònà. Raha misy olona . . .”

²⁸⁵ Ankehitriny, tsarovy, taiza Izy no nandondònà, tao amin’ny tranom-biby? Tsia. Tany amin’ny trano fisotroana? Tsia. Aiza Izy no mandondònà? Ao am-pianganana!

²⁸⁶ “Raha hisy olona handre Ny Feoko, ka hamoha Ahy, dia hiditra Aho ka hisakafo miaraka aminy, ary izy Amiko.”

²⁸⁷ Andriamanitra malala, ity teny kely tapatapaka, nifangaro, vitsivitsy izay voalaza izao maraina izao ity, na manao ahoana na manao ahoana dia enga anie ny Fanahy Masina no handika azy ireo amin’ny fon’ny olona.

²⁸⁸ Ankehitriny dia nisy maro, Tompo, angamba avy amin’ity an-jatony eto ity dia nisy olona roapolo na telopolo no nanangana ny tànany. Tsy manana fomba ahafantarana aho hoe inona marina no nilain’izy ireo, Tompo. Fa fantatro fa afaka minitra vitsy fotsiny dia ho amin’ny mitataovovanana, ary toy izany koa ny Fihavian’ny Tompo; kanefa, alohan’ny itsonehan’io oram-panala io avy eo amin’ny tany, dia mety hantsoina izahay, ary mety ho ity no fotoana izay hanova ny ho avy manontolo na ho tavela eto izy ireo na hiakatra.

²⁸⁹ Andriamanitra malala, manaiky an’i Jesosy am-panetre-tena izahay, manaiky Ny Teniny rehetra izahay. Fenoy izahay, Tompo, fenoy amin’Ny Fanahinao Masina izahay, mba hitondran’ny fiainanay ho azy fotsiny ny vokatra. Ekeo izany, Tompo.

²⁹⁰ Mamelà anay ny amin’ireo fahadisoanay maro. Oh, tena feno azy ireny izahay, Tompo. Ary tsy manana na inona na inona azonay atolotra izahay, Tompo, satria, ny zavatra rehetra izay anananay, dia Ianao no nanome an’izany ho anay. Tahaka

ny nolazain'i Gabe, tao anatin'ilay tantara kely izay vao avy noteneninay hoe, "Ianao, azo antoka fa tia anay Ianao, Tompo, raha tsy izany dia tsy ho nanao an'izao Ianao." Ary, ny mieritreritra, ireto olona ireto dia nipetraka teto hatramin'ny aloha be izao maraina izao, nipetraka teto hatramin'ny valo ora, adin'ny efatra no nipetrahan'izy ireo teto. Tia Anao izy ireo, Tompo. Tia Anao izy ireo. Ankehitriny, Ray, handefa an'ilay odi-mason'ny Fanahy Masina fotsiny ve Ianao, hanokatra ny masonay. Enga anie izahay... .

²⁹¹ Ireo izay ato amin'ny tanàna, enga anie izy ireo handeha haingana hankany amin'io fifohazana io rahariva, enga anie hisy tena firotsahana iray any! Ekeo izany, Tompo. Enga anie hanomboka ato amin'ny tanàna ny fifohazana iray amin'ny fanao fahiny. Ekeo izany. Tahio ny lehilahy tsirairay izay mametraka, ny tsirairay avy amin'ireo Mpanomponao manerana an'izao tontolo izao, izay mametraka ezaka iray. Mombà azy ireo, Tompo, ary ampio izy ireo.

²⁹² Sokafy ny masonay mba ahafahanay mahita, hatrany sy hatrany, ny fitoviana amin'i Kristy. Ekeo izany, Tompo. Mamela anay ny amin'ny fahotanay.

²⁹³ Ary ankehitriny ireo izay nanangana ny tànany, Ray, dia apetrako Aminao izy ireo. Raiso izy ireo. Ankehitriny dia manonona Ny Teninao Manokana aho, Tompo, hoe, "Ny Lanitra sy ny tany ho levona, fa," hoy Ianao hoe, "izy," izay mpisolo anarana iray, "izy izay mandre Ny Teniko..." Tompo, mety tapatapaka izy ireo ary tsotra, saingy nisy olona nandre azy ireo. Nilatsaka ilay Voa. "Izay mandre Ny Teniko ka," fanohizanteny, "mino Izay naniraka Ahy," satria Izy no nanao an'izao, "no manana (fotoana ankehitriny) Fiainana mandrakizay, ka tsy ho tonga amin'ny ho avy amin'ny fitsarana, fa efa tafafindra avy tamin'ny fahafatesana ho amin'ny Fiainana." Nanangana ny tànany izy ireo, Tompo. Nodikain'izy ireo ny (tsirairay) lalàna siantifika; ny hery misintona no mihazona ny tànanay midina. Fa noporofoin'izy ireo fa misy fanahy iray ao anatin'izy ireo, izay afaka mihaino fandondònana iray eo am-baravarana, ary maninjitra ny tànany ankavanana mankany An-danitra. Ankehitriny dia vohay ny varavarana. Vohay, Tompo, ka midira. Anao izahay. Raiso izahay, amin'ny Anaran'i Jesosy Kristy. Amena.

Tiako Izy, tiako Izy
 Satria nitia ahy mialoha Izy
 Ka nividy ny famonjeko
 Teo amin'ny hazon'i Kalvary.

²⁹⁴ Tianareo ve Izy? Manontany aho raha afaka hanakimpy ny masontsika fotsiny isika, vetivety fotsiny. Ankehitriny avy ao am-pontsika, miaraka amin'ny tànantsika mitsangana.

Tiako Izy, tiako Izy
Satria . . .

²⁹⁵ Manaiky ny Fandondònanao izahay, izao maraina izao, Tompo. Mitsangana ny tànako. Mitsangana ny tànanay rehetra, Tompo.

Ka . . .

Midira ankehitriny, Tompo Jesosy. Midira ao am-ponay ka misakafoana miaraka aminay, ary izahay hisakafo miaraka Aminao.

Hazon'i Kalvary!

²⁹⁶ Tianareo ve Izy? Oh, heveriko fa tena mahafinaritra Izy! Ary ianareo? Tsy mahatsapa Ny Fanatrehany somary mikosoka anareo fotsiny ve ianareo? Mahatsapa ho tena mpivavaka aho izao ankehitriny izao, izao fotsiny—mahatsapa ho tena tsara fotsiny, misy zavatra mikasika an'izany.

Ny finoako miandranda Anao,
Ianao ry Zanak'ondrin'i Kalvary,
Mpamony Masina;
Ankehitriny henoy aho raha mivavaka,
Esory ny otako rehetra,
O avelao aho manomboka amin'ity andro ity
Ho Anao manontolo!

²⁹⁷ Ankehitriny dia tiako ianareo, rehefa misamonomonona an'ity andininy manaraka an'ity hira fiderana tsara tarehy ity isika, hira fiderana fahiny an'ny fiangonana, dia tiako ianareo handray tànana olona iray. Mijanôna fotsiny ao amin'ny sezanareo, manaova fotsiny hoe, "Andriamanitra hitahy anao, rahalahy. Andriamanitra hitahy anao, ranabavy. Tena faly aho ny miaraka aminao eto!" Ndao ataontsika izany. [Misamonomonona ny *Ny Finoako Miandranda Anao Rahalahy Branham—Mpand.*] Andriamanitra hitahy anao, Carl, faly ny tonga eto . . . ? . . .

²⁹⁸ Eritrereto fotsiny, ny tànan'ny Metodista mandray ny an'ny Pentekotista, ny an'ny Batista mandray ny an'ny Presbyterana.

O avelao . . . manomboka amin'ity andro ity
Ho Anao manontolo!

²⁹⁹ Ankehitriny raha mihira an'izany moramora isika, ihany koa, avy ao amin'ny fanambanin'ny fonareo. Fantatrareo, taorian'ny Hafatra iray mikosoka, mandevilevy, dia heveriko fa tsara ny miditra ao amin'ny Fanahy ka mihira, ny fahalemempanahin'ny Fanahy Masina.

³⁰⁰ "Oh mamy toy ny ahoana ho an'ny mpirahalahy ny miaramonina ao amin'ny firaisana!" Hoy ny Baiboly hoe, "Izany dia tahaka ny dilolo fanosotra izay teo amin'ny volombavan'i Arona, izay mikoriana midina hatrany amin'ny morotongotry ny lobany." Vahoaka mahafinaritra ianareo eto. Manantena aho ny

hiverina hahita anareo indray alohan'ny iantsoan'i Jesosy ahy, na ny Arivo taona. Raha tsy izany, dia hahita anareo aho eny ampitan'ilay renirano any. Hihaona aminareo aho eo amin'ilay renirano. Amena. Fifamotoana iray izany.

Raha mamindra ao amin'ny lala-maizin'ny fiainana aho,
 Ka miparitaka manodidina ahy ny alahelo,
 Aoka Ianao no ho Mpitari-dàlako;
 Didio ny aizina hivadika ho andro, (Io Hazavana kely izay resahan'izy ireo io.)
 Fohano ireo tahotry ny alahelo,
 O avelao aho manomboka amin'ity andro ity
 Ho Anao manontolo!

³⁰¹ Misokatra ny varavarana tsirairay! Oh, kasiho fotsiny ilay bokotra kely, dia diniho izy rehetra ireo mandeha manodidina ny faribolana mihitsy; manao hoe, "Midira, Tompo Jesosy, aoka ho Tompoko, ny rehetrako."

O avelao aho manomboka amin'ity andro ity (tsy hoe, mamela Anao hitsangana eo am-baravarana,) Ho Anao manontolo!

³⁰² Ianareo izay nanangana ny tanganareo ka te-ho voatarika lavidavitra kokoa mankany amin'ny Tompo, dia mangataka anareo aho handeha hankany amin'ilay fifohazana rahariva. Ary azoko antoka fa ny pasitera eo dia hitondra anareo avy eto hankany amin'ilay tronom-bahiny. Manana dimy santima izy, na inona na inona nomena, mba hikarakarana, ary divay sy diloiloo hararaka. Afaka mamarana an'ilay asa izy.

³⁰³ Andriamanitra hitahy anareo ankehitriny. Haveriko ny fotoana amin'ny, heveriko, Rahalahy Williams, na mety ho iza... 

IREO VARAVARANA AO ANATIN'NY VARAVARANA MAG65-0206
(Doors In Door)

Ity Hafatr'i Rahalahy William Marrion Branham ity, izay notoriana tamin'ny Teny Anglisy ny Sabotsy maraina, 6 Febroary, 1965, ho an'ny sakafo marainan'ny Full Gospel Business Men's Fellowship International tao amin'ny Americana Hotel ao Flagstaff, Arizona, U.S.A., dia nalaina avy tamin'ny horonam-peo ary natonta manontolo amin'ny Teny Anglisy. Ity fandikana amin'ny Teny Malagasy ity dia natonta sy nozarinan'ny Voice Of God Recordings.

MALAGASY

©2023 VGR, ALL RIGHTS RESERVED

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Filazana fahefan'ny tompon'ny boky

Tsy azo adika. Ity boky ity dia azo atao printy amin'ny fanaovam-printy ao an-trano ho an'ny fampiasana manokana na ho zaraina, tsy misy sarany, ho fitaovana iray hanaparitahana ny Filazantsaran'i Jesosy Kristy. Ity boky ity dia tsy azo amidy, na adika indray amin'ny refy lehibe, na alefa amin'ny siteweb iray, na tehirizina amin'ny fomba nisy nanesorana, na adika amin'ny fiteny hafa, na ampiasaina ho fangataham-bola raha tsy misy alàlana voasoratra mazava avy amin'ny Voice Of God Recordings®.

Ho an'ny fanazavana fanampiny na ho an'ny fitaovana hafa efa azo raisina, dia iangaviana hifandray amin'ny:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org